

# ԳԵՂԱՄԱ

## ՄԶԽԱՐԿ

Քաղաքական, հասարակական, մշակութային թերթ 11 մայիսի 2026թ. թիվ 9 (637)

**ՀՀ ՎԱՐՉԱՊԵՏ ՆԻԿՈԼ ՓԱՇԻՆՅԱՆԻ ԱՇԽԱՏԱՆՔԱՅԻՆ ԱՅՅՈՎ ԵՂԱՎ ԳԵՂԱՐՔՈՒՆԻՔԻ ՄԱՐԶՈՒՄ**



Ապրիլի 29-ին աշխատանքային այցով Գեղարքունիքի մարզ ժամանեց ՀՀ Վարչապետ Նիկոլ Փաշինյանը՝ իրականացված սոցիալ-տնտեսական և կենսական նշանակության ծրագրերը տեղում դիտարկելու նպատակով:

Այցի ընթացքում ՀՀ Վարչապետին ուղեկցում էին ՀՀ ՏԿԵ նախարար Դավիթ Խուրաթյանը, ՀՀ ԿԳՄՍ նախարար Ժաննա Անդրեասյանը, ՀՀ Գեղարքունիքի մարզպետ Կարեն Սարգսյանը, Գեղարքունիքի մարզի համայնքների ղեկավարները, պաշտոնական այլ անձինք:

ՀՀ Վարչապետ Նիկոլ Փաշինյանի այցի առաջին կանգառը Գավառ համայնքում էր, որտեղ նա մասնակցեց Բերդկունք բնակավայրի նոր մանկապարտեզի բացման արարողությանը: Վարչապետը շրջեց մանկապարտեզում, ծանոթացավ իրականացված աշխատանքներին: Սուբվենցիոն ծրագրի ընդհանուր արժեքը կազմել է ավելի քան 464 միլիոն դրամ, որի 75 տոկոսը կամ ավելի քան 348 միլիոն դրամը հատկացրել է Կառավարությունը: Արդյունքում կառուցվել է 1865 քառակուսի մետր մակերեսով երկհարկանի, արդի չափորոշիչներին համապատասխան մանկապարտեզի շենք, որը նախատեսված է 90 սաների համար: Բերդկունքի մանկապարտեզ կհաճախեն նաև հարեան Հայրավանք բնակավայրի երեխաները:

Այցի երկրորդ կանգառը Գավառ համայնքի Սարուխան գյուղում էր, որտեղ երկրի ղեկավարը ծանոթացավ Սարուխանի թիվ 2 միջնակարգ դպրոցի վերանորոգման աշխատանքներին: Դպրոցը վերանորոգվել է ՀՀ Կառավարության «Մինչև 2026 թվականը կառուցվող, հիմնանորոգվող կամ վերակառուցվող 300 դպրոցներ» ծրագրի շրջանակում: 270 աշակերտի համար նախատեսված Սարուխանի դպրոցի վերանորոգման համար Կառավարությունը հատկացրել է ավելի քան 248 միլիոն դրամ:

Այցի երրորդ կանգառը Նորատուս բնակավայրի թիվ 1 միջնակարգ դպրոցում էր, որը վերանորոգվել է նույն ծրագրի շրջանակում: 340 աշակերտի համար նախատեսված Նորատուս բնակավայրի դպրոցի վերանորոգման ու արդիականացման համար պետական միջոցներից ծախսվել է ավելի քան 427 միլիոն դրամ:

Այցի չորրորդ կանգառը Մարտունի համայնքի Ծովասար գյուղում էր, որի մանկապարտեզի շենքը կառուցվել ու շահագործվել է վերջերս, ՀՀ Կառավարության կողմից իրականացվող սուբվենցիոն ծրագրերի շրջանակներում: Ծրագրի պայմանագրային արժեքը կազմել է ավելի քան 202 միլիոն դրամ, որ 65 տոկոսը կամ ավելի քան 131 միլիոն դրամը հատկացվել է ՀՀ պետական բյուջեից: Արդյունքում կառուցվել է երկհարկանի 650 քառակուսի մետր ընդհանուր մակերեսով մանկապարտեզի շենք, բարեկարգվել է բակը:

Այցի հինգերորդ կանգառը Մարտունի քաղաքի Երեւանյան և Մյասնիկյան փողոցների շինհրապարակներում էր, որտեղ այս պահին ընթանում են հիմնանորոգման աշխատանքներ: Ծրագրի իրականացման համար ՀՀ Կառավարությունը հատկացրել է 677 միլիոն դրամ:

Այցի վեցերորդ կանգառը Մարտունի համայնքի Աստղածոր գյուղում էր, որտեղ 2025 թվականի ապրիլից շահագործվել ու բացվել է մոդուլային տիպի 144 տեղ հզորությամբ մուտր-մանկապարտեզը:

րոցի վերանորոգման աշխատանքներին: Դպրոցը վերանորոգվել է ՀՀ Կառավարության «Մինչև 2026 թվականը կառուցվող, հիմնանորոգվող կամ վերակառուցվող 300 դպրոցներ» ծրագրի շրջանակում: 270 աշակերտի համար նախատեսված Սարուխանի դպրոցի վերանորոգման համար Կառավարությունը հատկացրել է ավելի քան 248 միլիոն դրամ:

**ՀՀ ԳԵՂԱՐՔՈՒՆԻՔԻ ՄԱՐԶՊԵՏ ԿԱՐԵՆ ՍԱՐԳՍՅԱՆԻ ՈՒՂԵՐՁԸ ՀԱՂՈՒՍԱՎԿԻ ԵՎ ԽՆՂԱՂՈՒԹՅԱՆ ՏՈՒՆԻ ԿԱՊԱԿՑՈՒԹՅԱՄԲ**



Սիրելի հայրենակիցներ, Մայիսի 9-ը մեզ համար ոչ միայն հաղթանակի, այլև խաղաղության արժեքը վերաիմաստավորելու օր է: Այս օրը մենք հարգանքով հիշում ենք բոլոր նրանց, ովքեր պայքարեցին ֆաշիզմի դեմ՝ հանուն մարդկության ազատ ու արժանապատիվ ապագայի: Հայ ժողովուրդը նույնպես իր կարելուր ներդրումն ունեցավ այդ պայքարում՝ ցուցաբերելով խիզախություն և նվիրում:

Այս հաղթանակը մեզ համար պատմության էջ չէ միայն. այն նաև հիշեցում է, թե որքան թանկ արժեք են խաղաղությունն ու մարդկային համերաշխությունը: Պատերազմների ու անկայունության պայմաններում աշխարհն այսօր կրկին կանգնած է խաղաղության պահպանման և անվտանգության ամրապնդման կարելուր խնդրի առաջ, իսկ մեզ համար առավել կարելուր է՝ կարողանալ պաշտպանել մեր պետականությունը, ապահովել մեր ժողովրդի անվտանգ կյանքն ու վստահ ապագան:

Այսօր, երբ մեր տարածաշրջանում խաղաղության պահպանման յուրաքանչյուր քայլ ունի առանձնահատուկ նշանակություն, մենք պարտավոր ենք առավել պատասխանատու լինել մեր պետության, մեր հասարակության և զալիք սերունդների հանդեպ: Ուժեղ, զարգացող, անվտանգ և արժանապատիվ Հայաստանը մեր լավագույն պատասխանն է պատմության բոլոր փորձություններին և մեր լավագույն հարգանքի տուրքը՝ բոլոր նահատակների հիշատակին:

Խոնարհում բոլոր հերոսների ու զոհվածների հիշատակի առաջ:

Փառք հերոսներին, և կեցցե՛ Հայաստանի Հանրապետությունը:


**ՏԻԵՋԵՐԱԿԱՆ ՀՆԱՏՓՈՐԳՈՒԹՅՈՒՆ**

**Լուս հեռացանք ու քայլեցինք անդադրում երազելով հավերժական հեռուներ...**

**Եղիշե Չարենց**

Բզեզներն են արթնացել լուսաբացի ծեփի հետ եվ լցրել են հովիտը համերգներով միալար: Սավառնում են վեր ու վար, ապա նստում անարատ Ծաղիկների բույլերին գույների մեջ անհամար: Ծայր է առնում գունգեղ, խորհրդավոր մի հեքիաթ Սարահարթում կուսական, բուրումնավետ ու մաքուր: Բզեզներն են համբուրում ծաղիկներին թերթ առ թերթ, Սիրուց քամում դրախտի անմահական դեղ-նեկտար: Իսկ ծաղիկներն համբույրից հարսնանում են սիրառատ Հանդեսի մեջ ամառվա՝ ցնձազին ու բնքշաբար, Կոկոնները նագանքով բացում շռայլ ու

շաղոտ՝ Երկնքի դեմ շողակաթ, անսանձ կրքով մի հզոր: Գետն է իջնում սրընթաց լեռան լանջից՝ վարար, հորդ, Խառնում շառաչն օդի հետ ու հորինում նվագներ, Լույսն է շոյում հրաշյա, արեգնային, ակնդետ Ամեն քարափ, արահետ, բեղմնավորող հող ու ջուր... Ու դաջվում են մտքիս մեջ պատկերները հատ առ հատ, Տարիների մշուշում փայլատակում հուզավառ, Ակնթարթներն անցողիկ երջանկորեն, անարատ Հեղեղում են իմ հոգին, քաշում-տանում հեռուներ՝ Դեպ եթերներ անսահման, դեպի երկինք աստղազարդ, Ուր շրջում են, թափառում մասնիկները կենարար, Ուր չեն լինում արցունքներ, սուգ ու շիվան, ծանր վիշտ, Ուր երազն ու Գալիքը կրկին գտնում են իրար...



Խոսքով Խլղաթյան

ԳԱՎԱՌ ՔԱՂՆԱԲՈՒՄ ՀԱՆՌԻՄԱՎՈՐՈՒԹՅԱՐԻ ԵՇՎԵՑ ԱՎԱՆԱՎՈՐ ԳԻՏՆԱԿԱՆ ԱՎԵՏԻՔ ԲՈՒՆԱԳՅԱՆԻ ԾՆՆՈՒՑԱՆ 120-ՐԻ ՏԱՐԵԴԱՐՁԸ

«Մեր ապագան» կրթամշակութային բարեգործական հիմնադրամի նախաձեռնությամբ ու կազմակերպչական ջանքերով Գեղարքունիքի մարզկենտրոն Գավառ քաղաքում հանդիսավորությամբ նշվեց ԽՍՀՄ ակադեմիկոս Գիտնական, ռազմաբժշկական ծառայության գեներալ-մայոր, ԽՍՀՄ առողջապահության նախարարի տեղակալ Ավետիք Բուռնազյանի ծննդյան 120-րդ տարեդարձը:

«Մեր ապագան» կրթամշակութային բարեգործական հիմնադրամի նախաձեռնող խումբը գլխավոր տնօրեն Վահրամ Կարապետյանի գլխավորությամբ այցելեց Գավառ քաղաքի այն վայրեր, որտեղ ժամանակին գտնվել են Ավետիք Բուռնազյանի հայրական տունը եւ դպրոցական շենքերը՝ հարգանքի տուրք մատուցելու նշանավոր հայրորդու հիշատակին: Այնուհետ նրանք այցելեցին քաղաքային գերեզմանոց եւ ծաղիկներ խոնարհեցին Ավետիք Բուռնազյանի ծնողների շիրիմին:

Գավառի Սուրբ Աստվածածին եկեղեցուն Ավետիք Բուռնազյանի հիշատակին կատարվեց Օրհնության կարգ՝ ձեռամբ Հայ Առաքելական եկեղեցու Գեղարքունյաց թեմի առաջնորդական տեղապահ Տեր Իսահակ վարդապետ Պողոսյանի եւ աղոթակցությամբ Գեղարքունյաց թեմի հոգևոր դասի:

Միջոցառումը շարունակվեց Գավառի երկրագիտական թանգարանում, որտեղ կրթամշակութային հաստատությունների աշխատակիցներին ու անհատ քաղաքացիներին ներկայացվեց Ավետիք Բուռնազյանի անցած քաղաքացիական, ռազմական ու գիտական ուղին:

Ավետիք Իգնատի Բուռնազյանը ծնվել է 1906 թվականի ապրիլի 20-ին, Նոր Բայազետ քաղաքում, մահկանացուն կնքել Մոսկվայում: Նա ԽՍՀՄ հայտնի բժիշկ էր, ռազմական եւ քաղաքացիական առողջապահության կազմակերպիչ, ԽՍՀՄ առողջապահության նախարարի տեղակալ (1956—1981), բժշկական գիտությունների թեկնածու, բժշկական ծառայության գեներալ-լեյտենանտ (1945), Սոցիալիստական աշխատանքի հերոս, Լենինյան եւ ԽՍՀՄ պետական մրցանակների դափնեկիր: Մասնակցել է Խորհրդային առաջին աշխատանքային ջոկատին, ԽՍՀՄ «ատոմային վահանի» ստեղծողներից մեկն է: Բուռնազյանը ատոմային բնագավառի բժշկության հիմնադիրներից է, մասնակցել է միջուկային սուզանավերի անձնակազմի, տիեզերական թռիչքների կենսաբժշկական աջակցության կազմակերպման խնդիրների լուծմանը: Ավետիք Բուռնազյանը միաժամանակ իր մեծ ավանդն է ունեցել Հայրենական մեծ պատերազմում տարած պատմական հաղթանակի մեջ: Նրա անմիջական մասնակցությամբ ստեղծվել է թիվ 6 կլինիկական հիվանդանոցը, որպես ԽՍՀՄ Առողջապահության նախարարության 3-րդ գլխավոր վարչության առողջապահական համակարգի հիմնական բժշկական հաստատություն: Ավետիք Բուռնազյանը 1924-1928 թվականներին սովորել է Երեւանի պետական համալսարանի բժշկական ֆակուլտետում, այնուհետև ուսումը շարունակել է Լենինգրադի Մերգել Կիրովի անվան ռազմաբժշկական եւ Միխայիլ Ֆրունզեի անվան ռազմական ակադեմիայում:



1935-1940 թվականներին եղել է Մոսկվայի մարզային կլինիկայի եւ Մոսկվայի 1-ին բժշկական ինստիտուտի ռազմասանիտարական ամբիոնի ղեկավարը: 1939 թվականին, Երկրորդ համաշխարհային պատերազմի ժամանակ նա մասնակցել է Արեւմտյան Ուկրաինայի եւ Արեւմտյան Բելառուսիայի ազատագրմանը, իսկ 1939-1940 թվականներին որպես համազորային 10-րդ բանակի սանիտարական վարչության պետ, Խորհրդա-ֆիննական պատերազմում կազմակերպում է բանակի ռազմասանիտարական աշխատանքները եւ անմիջական մասնակցություն ունենում Մաններհայմի գծի ամրությունների ճեղքմանը եւ վիրավորվում է մարտերից մեկի ժամանակ: 1941 թվականի դեկտեմբերից մինչև 1943 թվականի նոյեմբերը եղել է Կալինինյան ճակատի բժշկական ծառայության ղեկավարը: 1943 թվականի մարտի 31-ին ստացել է գեներալ-մայորի կոչում, իսկ 1945 թվականի հունիսի 19-ին գեներալ-լեյտենանտի: 1945 թվականին եղել է Հեռավորարեւելյան ռազմական 1-ին օկրուգի բժշկական վարչության պետը: 1946 թվականին եղել է ԽՍՀՄ նախարարների Խորհրդի 1-ին գլխավոր բժշկական ծառայության ղեկավարը: Գավառի երկրագիտական թանգարանում բացված է Ավետիք Բուռնազյանին նվիրված ցուցադրական անկյուն, որն առաջիկայում կհարստացվի նոր նյութերով, ներկայացրեց թանգարանի տնօրեն Մարիաննա Մուսոյանը:

Մեր դպրոցական եւ ուսանողական տարիներին Ավետիք Բուռնազյանն արդեն հայտնի անուն էր դասագրքերում, մենք հպարտանում էինք նրանով, որ ունենք նման պանծալի համաքաղաքացի գիտնական, շատ էինք ոգեշնչվում: Ավետիք Բուռնազյանի, Սամվել Քոչարյանի, Հրաչյա Բունիաթյանի, մեր համերկրացի մի շարք այլ հայտնի գիտնականների շնորհիվ է հարստացել ոչ միայն հայ, այլ նաեւ համաշխարհային մտքի պատմությունը, նման մարդկանց գոյությամբ ու գործունեությամբ է մեր պատմությունը ձեռք բերել համաշխարհային կշիռ ու որակ, ներկայացրեց Գավառի պետական

համալսարանի դասախոս Հանելտ Ղաջոյանը: Մենք այսօր հատուկ քայլեցինք Ավետիք Բուռնազյանի մանկության ու պատանության տարիների, նրա ծնողների հիշատակի հետքերով՝ զգալու եւ հասկանալու համար, թե որտեղից է սնվել Ավետիք Բուռնազյանի միտքը, որտեղից է նա ստացել այն էներգիան, որի շնորհիվ կարողացել է դառնալ նման կարգի մեծություն համաշխարհային գիտության մեջ: Գնահատեք ձեր ունեցած արժեքները, ցույց տվեք հյուրերին, ցույց տվեք աշխարհին, թե որքան մեծ մարդիկ ունեք դուք, որոնց շնորհիվ ճանաչվում է մեր հայրենիքը, ճանաչվում ենք մենք: Գնահատեք նրանց, ու կտեսնեք դրա արդյունքները: Թվում է, թե Ավետիք Բուռնազյանի անունն ու գործը վաղուց պիտի մոռացված լինեին, քանի որ նրա մահից տասնյակ տարիներ են անցել, բայց ոչ, նրա գործը նոր-նոր է սկսում ապրել ու շարունակվել: Մենք գիտենք, որ նա ԽՍՀՄ գերագույնի մարդկանցից է եղել, նրա կյանքի մասին շատ քիչ բան է հայտնի: Դրա համար հավաքում ենք համապատասխան տեղեկություններ ու հավաքածուներ նրա կյանքի ու գործունեության մասին, որոնք սիրով կտրամադրենք Գավառի երկրագիտական թանգարանին՝ Ավետիք Բուռնազյանի ցուցադրական անկյունը հարստացնելու նպատակով, ներկայացրեց «Մեր ապագան» կրթամշակութային բարեգործական հիմնադրամի գլխավոր տնօրեն Վահրամ Կարապետյանը: -Եւ շարունակում են աշխատել Բուռնազյանի անվան կենտրոնում, որն հիմա ավելի է զարգացել, քան եղել է բիոֆիզիկայի ինստիտուտի ստեղծման պահին. այն այժմ ունի շատ հիվանդանոցներ ու մասնաճյուղեր: Դա հենց նշանակում է, որ շարունակվում է Ավետիք Բուռնազյանի անունն ու գործը: Նրա մասին շատ էր պատմում իմ դասախոս Լեոնիդ Իլյինը: Նա ճշում էր, թե ինչ դեր է ունեցել Ավետիք Բուռնազյանը ռադիացիոն ճառագայթումներից պաշտպանվելու միջոցների հայտնաբերման ու կիրառման գործում: /շարունակությունը՝ էջ 3-ում/

ՀՀ ՎԱՐՉԱՊԵՏ ՆԻԿՈՒ ՓԱՇԻՅԱՆԻ ԱՇԽԱՏԱՆՔԱՅԻՆ ԱՅՅՅՈՎ ԵՂԱՎ ԳԵՂԱՐՔՈՒՆԻՔԻ ՄԱՐԶՈՒՄ

**/սկիզբը՝ էջ 1-ում/**  
Ծրագրի ընդհանուր արժեքը կազմել է ավելի քան 927 միլիոն դրամ, որի արդյունքում շահագործման է հանձնվել մեկհարկանի, 1290 քառակուսի ընդհանուր մակերեսով, 144 տեղ հզորությամբ մուտք-մանկապարտեզի նոր շենքը, բարեկարգվել է բակը, տեղադրվել են 20 կիլովատտ հզորության ֆոտովոլտային կայան եւ արելային ջրատաքացուցիչներ: Այցի յոթերորդ կանգառը Մարտունի համայնքի Վարդենիկ գյուղում էր, որտեղ ՀՀ Վարչապետին ներկայացվեցին 150 սանի համար նախատեսված մանկապարտեզի կապիտալ վերանորոգման աշխատանքները: Սուբվենցիոն ծրագրի ընդհանուր արժեքը կազմել է ավելի քան 358 միլիոն դրամ, որի 75 տոկոսը կամ ավելի քան 268 միլիոն դրամը հատկացրել է Կառավարությունը: Արդյունքում կապիտալ վերանորոգվել է երկհարկանի, արդի չափորոշիչներին համապատասխան 1600 քառակուսի մետր ընդհանուր մակերեսով մանկապարտեզի շենքը, բարեկարգվել է բակը, երեսպատվել են արտաքին պատերը: Այցի ութերորդ կանգառը Վարդենիս համայնքում էր, որտեղ վարչապետ Նիկոլ Փաշինյանին ներկայացվեցին Շողակաթ-Վարդենիս հանրապետական նշանակության ավտոճանապարհի միջին նորոգման աշխատանքների արդյունքները: Ծրագրի պայմանագրային արժեքը կազմել է 889 միլիոն 800 հազար դրամ, որն ամբողջությամբ հատկացվել է պետությունից միջոցներից:



Ծրագրի իրականացման արդյունքում նորոգվել է 18,9 կիլոմետր երկարության ավտոճանապարհ: Այցի իններորդ կանգառը Վարդենիս համայնքի Գեղամասար բնակավայրում էր, որտեղ ՀՀ Վարչապետը ներկա գտնվեց 50 սանի համար նախատեսված վերակառուցված մանկապարտեզի բացման հանդիսավոր արարողությանը: Սուբվենցիոն այս ծրագրի պայմանագրային արժեքը կազմել է ավելի քան 161 միլիոն դրամ, որտեղ ՀՀ պետական բյուջեի մասնաբաժինը ավելի քան 159 միլիոն դրամ է: Այցի տասներորդ կանգառը ճամբարակ քաղաքում էր, որտեղ վար-

չապետը ծանոթացավ Գ. Նոդեի փողոցի սկզբնամասում հենապատի վերակառուցման աշխատանքներին: Ծրագրի 2024 թվականի 1-ին փուլի պայմանագրային արժեքը կազմել է ավելի քան 69 միլիոն դրամ, որի արդյունքում վերականգնվել է 135 գծամետր հենապատ եւ մեկ վթարային վիճակում գտնվող կամուրջ: 2025 թվականին ծրագրի 2-րդ փուլի համար Կառավարությունը հատկացրել է ավելի քան 99 միլիոն դրամ: վերականգնվել է 256 գծամետր հենապատ: Այնուհետ Նիկոլ Փաշինյանը շրջայց կատարեց ճամբարակ քաղաքում, ծանոթացավ կենտրոնական

փողոցի եւ վերին ճամբարակ քաղաքի փողոցների, ինչպես նաեւ Թթուջուր եւ Վահան բնակավայրերի 3-30 հանրապետական նշանակության ավտոճանապարհի լուսավորության ցանցի կառուցման աշխատանքներին: Սուբվենցիոն ծրագրի ընդհանուր արժեքն ավելի քան 182 միլիոն դրամ է, որից 70 տոկոսը կամ ավելի քան 127 միլիոն դրամը հատկացրել է Կառավարությունը: Արդյունքում թվով 10 փողոցներում կկառուցվի 11780 գծամետր նոր լուսավորության ցանց: ճամբարակում ընթացքի մեջ են նաեւ 1,5 կմ ավտոճանապարհի հիմնանորոգման աշխատանքները: Կարչապետն այցելեց նաեւ ճամբարակի Տիգրան Մեծի 9 եւ 3. Նադարյան 3 հասցեներում կառուցված վորքաութ տեսակի մարզաիրապարակներում, ծանոթացավ ստեղծված պայմաններին: Ծրագրի իրականացման համար Կառավարությունը հատկացրել է ավելի քան 31 միլիոն դրամ: ՀՀ Վարչապետ Նիկոլ Փաշինյանի աշխատանքային հագեցած այցն ավարտվեց Սեւան համայնքի Լճաշեն գյուղի ջերմոցային տնտեսությունում: Այն գործում է 2026 թվականից, մասնավոր ներդրումային ծրագրի շրջանակներում, 3,9 միլիարդ դրամ արժեքով, 10,5 հեկտար տարածքի վրա, որտեղ բացվել է 150 աշխատատեղ: Պետական սուբսիդիան տրամադրվել է շուրջ 390 միլիոն դրամի չափով: Ջերմատանն արտադրվում է վարունգ եւ լոլիկ: **«Գեղամա աշխարհ»**

### ԳԵՂԱՐՔՈՒՆԻՔԻ ՄԱՐԶՈՒՄ ՀԱՆԻԽԱՎՈՐՈՒԹՅԱՄԻ ՆՇՎԵՑ ՀԱՂԹԱՆԱԿԻ ԵՎ ԽԱՂԱՂՈՒԹՅԱՆ ՏՈՆԸ



Մայիսի 9-ին Յաղապանի եւ խաղաղության տոնի առթիվ, Գեղարքունիքի մարզպետի աշխատակազմի ղեկավար այրերը ՀՀ Գեղարքունիքի մարզպետին փոխարինող, Գեղարքունիքի մարզպետի տեղակալ Ջանիկ Բազեյանի գլխավորությամբ, ծաղկեպսակ են դրել եւ ծաղիկներ խոնարհել Գավառ քաղաքի Մեծ Հայրենականի զոհերի հուշարձանին:



Ինչպես տեղեկացրին Գեղարքունիքի մարզպետի աշխատակազմից, ծաղկեղորման արարողության ընթացքում հիշատակի եւ խոնարհումի խոսքով հանդես է եկել Գավառ համայնքի Սարուխան գյուղի 105-ամյա բնակիչ, Մեծ Հայրենականի վետերան Մեխակ Ավետիսյանը:

Հանդիսավոր արարողությանը մասնակցել են Գեղարքունիքի մարզպետի աշխատակազմի, Գավառի համայնքապետարանի, մարզային եւ համայնքային ենթակայության կրթամշակութային հաստատությունների ներկայացուցիչներ, դպրոցականներ, հոգեւորականներ:

Արարողության մասնակիցներն այնուհետեւ ներկա են գտնվել Գավառի Սուրբ Աստվածածին եկեղեցուն մատուցված հոգեհանգստյան կարգին, որը մատուցվել է Գեղարքունյաց թեմի հոգեւոր դասի կողմից Գեղարքունյաց թեմի առաջնորդական տեղապահ Տեր Իսահակ վարդապետ Պողոսյանի ձեռամբ:

Մեւսն համայնքում խաղաղության եւ հաղթանակի օրվա տոնակատարության մեկնարկը տրվել է Մեւսնի քաղաքային պանթեոնում, որտեղ Մեւսն համայնքի ղեկավար Սարգիս Մուրադյանի գլխավորությամբ կատարվել է պսակադրում ու ծաղկեղորմում բոլոր ժամանակների հերոս քաջորդիների հիշատակը հավերժացնող հուշախաչքարին:

Մեւսնցիները հարգանքի տուրք են մատուցել նաեւ 2020 թվականի 44-օրյա պատերազմում անմահացած, ինչպես նաեւ հայրենիքի պաշտպանության համար իրենց կյանքը զոհաբերած հերոսներին:

րի հուշաքարի մոտ խոնարհելով ծաղիկներ:

Օրը համախմբել է բոլորին մեծ շուրջապարի շուրջ մասնակցությամբ Մեւսնում գործող պարային համույթների:

Մարտունի քաղաքի Հայրենական մեծ պատերազմում եւ Արցախյան ազատագրական պայքարում նահատակված հայորդիների հիշատակները հավերժացնող հուշարձաններին ծաղիկներ են խոնարհել համայնքի ղեկավար Հովհաննես Հովսեփյանը, ՏԻՍ պաշտոնյաներ, հանրային ծառայողներ, պետական, ուժային կառույցների եւ բնակավայրերի վարչական ղեկավարներ, Արցախյան պատերազմների մասնակիցներ եւ նրանց ընտանիքի անդամներ, համայնքի բնակիչներ:

Տոնական միջոցառումներ են տեղի ունեցել նաեւ Վարդենիս ու Ճամբարակ համայնքներում, որտեղ նույապես համայնքների ղեկավարներ Սիարոն Խաչատրյանի ու Վազգեն Ադամյանի գլխավորությամբ համայնքապետարանների աշխատակազմերի անդամները, կրթամշակութային հիմնարկների աշխատակիցները եւ անհատ քաղաքացիներն իրենց հարգանքի տուրք են մատուցել հայրենիքի ազատության համար իրենց կյանքերը զոհաբերած հայորդիների հիշատակին:

Տոնական միջոցառումներ են տեղի ունեցել նաեւ մարզի գյուղական բնակավայրերում, կրթամշակութային հաստատություններում:

Խոսքով խլղաթյան

### ԳԱՎԱՌ ՔԱՂԱՔՈՒՄ ՀԱՆԻԽԱՎՈՐՈՒԹՅԱՄԻ ՆՇՎԵՑ ԱՎԱՆԱՎՈՐ ԳԻՏՆԱԿԱՆ ԱՎԵՏԻՔ ԲՈՒՌՆԱԶՅԱՆԻ ԾՆՆԻՑԱՆ 120-ՐԴ ՏԱՐԵԴԱՐԶԸ

**/սկիզբը՝ էջ 2-ում/**

Կա մի պրեպարատ, ամենաարդյունավետ միջոցը, ստեղծված ԽՍՀՄ ժամանակներում, որը կոչվում է Բ-192 հենց Բուռնազյանի պատվին: Նրա ստեղծած ռադիացիոն պաշտպանական միջոցները հաջողությամբ ու արդյունավետորեն կիրառվել են նաեւ 1986 թվականին տեղի ունեցած Չեռնոբիլյան աղետի ժամանակ: Ավետիք Բուռնազյանն իր արժանին տեղն է ունեցել ԽՍՀՄ ամենաականավոր գիտնականների շարքում, - ներկայացրեց Ռուսաստանի բժշկական գիտությունների ակադեմիայի եւ Ռուսաստանի գիտությունների ակադեմիայի ակադեմիկոս, բժշկական գիտությունների դոկտոր, պրոֆեսոր, ՌԴ բժշկական գիտությունների ակադեմիայի Ավետիք Բուռնազյանի անվան պետական գիտական կենտրոնի կենսաբժշկական եւ ադիտիվ տեխնոլոգիաների կենտրոնի գլխավոր գիտաշխատող Իգոր Ուշակովը:



Նրա լայնամասշտաբ մտածողության, պատասխանատվության եւ կազմակերպչական տաղանդի շնորհիվ սեղմ ժամկետներում ստեղծվեց ատոմային ուղրտի անձնակազմի բժշկասանիտարական ապահովման միասնական համակարգ: Հենց նա է դրել երկրի ճառագայթային անվտանգության ամուր հիմքերը ապահովելով միջուկային վահանի ստեղծումը եւ խաղաղ ատոմի զարգացումը:

«Արաբկիր» բժշկական համալիրի տնօրենների խորհրդի նախագահ, պրոֆեսոր Արա Բաբայանը նշել է, որ գիտնականի կյանքի ուղին պրոֆեսիոնալիզմի եւ նվիրումի օրինակ է, իսկ նրա ժառանգությունը ուղեկցել է մնում բժշկական հանրության համար: Այս համատեքստում ընդգծվել է «Մեր ապագան» հիմնադրամի եւ անձամբ վահան Կարապետյանի ավանդը հայրենակիցների պատմական հիշողության հանրայնացման գործում:

-Մեզ համար այսօր կատարյալ հայտնություն եղավ լինել այն քաղաքում, որտեղ ծնվել, հասակ առել ու դպրոցական կրթություն է ստացել մեծանուն գիտնական Ավետիք Բուռնազյանը: Մենք շատ գոհ ենք, որ դուք ըստ արժանվույն եք գնահատում ու մեծարում ձեր մեծանուն հայրենակցին ու նույնքան էլ հավատացած են, լսելով շնորհալի երեխաների ելույթները, որ այս հողը շարունակելու է ծնել Ավետիք Բուռնազյանի նման տաղանդներ: Մենք պետք է ոչ միայն համատեղ հիշենք, այլ նաեւ պետք է համատեղ շարունակենք ու զարգացնենք այն գործը, գիտական այն ժառանգությունը, որը մեզ թողել է Ավետիք Բուռնազյանը: Այդիսկ պատճառով պետք է երկուստեք զարկ տանք համագործակցությանն ու եղբայրական հարաբերություններին, ավելի ամրապնդենք մեր կապերը, մեկտեղենք մեր ջանքերը: Տպավորված ենք հեռանում այս քաղաքից, այս գեղեցիկ միջավայրից ու բարեկամական ջերմ մթնոլորտից, - նշեց ՌԴ առողջապահության նախարարության Ռադիոլոգիայի բժշկական հետազոտական ազգային կենտրոնի Ա.Ֆ. Տիբի անվան մասնաճյուղի տնօրեն, բժշկական գիտությունների դոկտոր, պրոֆեսոր, Ռուսաստանի գիտությունների ակադեմիայի թղթակից անդամ Սերգեյ Իվանովը:

տանը» խորագրով ցուցահանդեսում ներկայացված էին արխիվային փաստաթղթեր, հազվագյուտ լուսանկարներ եւ նյութեր ռուսական ու հայկական աղբյուրներից, որոնք արտացոլում են նրա գիտական ավանդը ատոմային առողջապահության համակարգի ստեղծման գործում:

Ցուցահանդեսին ծանոթանալուց հետո մասնակիցներն անցկացրել են կոնֆերանս, որի շրջանակներում քննարկվել են ճառագայթային բժշկության զարգացման, միջուկային անվտանգության եւ միջազգային գիտական համագործակցության արդի հարցերը:

-Մեր հիմնադրամի համար մեծ պատիվ է անդրադառնալ Ավետիք Բուռնազյանի հարուստ ժառանգությանը նրա 120-ամյա հոբելյանի տարում: Հատկանշական է հորեյանական միջոցառումների անցկացումը հենց Հայաստանի Հանրապետությունում գիտնականի պատմական հայրենիքում, ինչը կատարվածին առանձնահատուկ նշանակություն է հաղորդում: Նման մարդկանց ժառանգությունը ամուր հիմք է դրել ապագա սերունդների համար: «Մեր ապագան» հիմնադրամի առաքելությունն է ոչ միայն պահպանել այդ ժառանգությունը, այլեւ ուղղորդել այն դեպի ապագա, - նշել է կրթամշակութային բարեգործական հիմնադրամի տնօրենը:

Հայաստանի Հանրապետությունում Ռուսաստանի Դաշնության արտակարգ եւ լիազոր դեսպան Սերգեյ Կոպիրկինը շեշտել է Ավետիք Բուռնազյանի անգնահատելի ավանդը հայրենական եւ համաշխարհային ճառագայթային բժշկության ու անվտանգության կայացման եւ զարգացման գործում:

Բուլանդակային գեկույցներով հանդես են եկել ճառագայթային բժշկության եւ գիտության ոլորտի առաջատար մասնագետները:

ՌԳԱ ակադեմիկոս, ՌԳԱ ռադիոկենսաբանության գիտական խորհրդի նախագահ Իգոր Ուշակովը իր «Յուրահատուկ գեներալ» միջուկային-տիեզերական բժշկության ոլորտում» գեկույցում նշել է. «Այսօր իրականացավ իմ վաղեմի երազանքը՝ այցելել Հայաստան, եւ ահա ես այստեղ եմ Բուռնազյանի հայրենիքում: Հենց ատոմային նախագծի շրջանակներում է լիարժեքորեն դրսևորվել նրա որպես գիտնականի բացառիկ տաղանդը: «Մեր ապագան» հիմնադրամի աշխատանքը չափազանց կարեւոր է, քանի որ այն հետեւողականորեն հավաքում եւ գիտական շրջանառության մեջ է վերադարձնում Բուռնազյանի կյանքի եւ գործունեության մասին տվյալները»:

Միջոցառումների շարքն ավարտվեց Գավառ քաղաքի Հայրապետ Խաչատրյանի անվան արվեստի դպրոցում «Մեր ապագան» կրթամշակութային բարեգործական հիմնադրամի կազմակերպված տոնական համերգով, որի ընթացքում միջազգային մրցույթների դափնեկիր, խաչատրյան տրիոյի ջութակահար Կարեն Շահգալոյանը, Արամ Խաչատրյան տուն-թանգարանի տնօրեն, Երեւանի Կոմիտասի անվան պետական կոնսերվատորիայի պրոֆեսոր, Խաչատրյան տրիոյի դաշնակահար Արմինե Գրիգորյանը եւ միջազգային մրցույթների դափնեկիր, դաշնակահար Սոնա Բարսեղյանը հանդես եկան Արամ Խաչատրյանի մի շարք ստեղծագործությունների կատարմամբ:

Ապրիլի 28-ին Երեւանում, ՀՀ Գիտությունների ազգային ակադեմիայի հարթակում, «Մեր ապագան» հիմնադրամն անցկացրեց ծրագրի հիմնական միջոցառումները՝ ցուցահանդեսի բացումը եւ կոնֆերանսը:

«Ավետիք Բուռնազյան – 120 տարի. ժառանգություն, որը միավորում է Ռուսաստանն ու Հայաստանը»

Ողջույնի խոսքով հանդես է եկել ՀՀ Գիտությունների ազգային ակադեմիայի նախագահ Աշոտ Սարգսյանը մասնակիցներին մաղթելով արդյունավետ աշխատանք եւ նշելով Ավետիք Բուռնազյանի ժառանգությանն անդրադառնալու կարեւորությունը գիտության եւ բժշկության զարգացման համատեքստում:

ՌԴ առողջապահության նախարար Սիլվանիլ Մուրաշկոյի պաշտոնական ուղերձն ընթերցել է Ա. Ֆ. Տիբիայի անվան բժշկական ռադիոլոգիական գիտական կենտրոնի տնօրեն, ՌԳԱ թղթակից անդամ, պրոֆեսոր Սերգեյ Իվանովը. «Ավետիք Իգնատևիչի անունը անխափառ կապված է ԽՍՀՄ ռազմաբժշկական ծառայության, ճառագայթային եւ տիեզերական բժշկության զարգացման հետ:

Խոսքով խլղաթյան

ՕՇԱԿԱՆ ՊԱՏՄԱԿԱՆ ԱՆՅՅԱԼՈՎ ՈՒ ՆԵՐԿԱՅՈՎ

Մեր երկրի ամեն մի անկյուն պատմական մեծ անցյալ ունի, ամրոց ու տաճար նախաքրիստոնեական ու քրիստոնեական, այլ սրբավայրեր, կամուրջ ու բնակատեղիներ... Կան առավել հայտնի վայրեր, որոնցում տեղի են ունեցել մեր պատմության առանցքային իրողություններ: Օշական գյուղ է Հայաստանի Հանրապետությունում Արագածոտնի մարզկենտրոն Աշտարակից քիչ հարավ Քասախ գետի ափերին:

Ինչպես բոլոր բնակավայրերը, Օշականն էլ ունի իր պատմությունը, պատմական ու ժամանակակից հուշարձանները: Հաճախ ենք լսում կամ կարդում այսպես կոչված Օշականի ճակատամարտի պատմական իրողության մասին: 336 թ. տեղի է ունեցել ճակատամարտ Մազքթաց Արշակունիների եւ Մեծ Հայքի Արշակունյաց թագավորության բանակի միջև: Ճակատամարտն ավարտվել է հայոց զորքի հաղթանակով: Այս առթիվ 5-րդ դարի պատմիչ Փավստոս Բյուզանդը գրում է. «...Երբ թշնամիները տեսան նրա հարձակումն իրենց վրա, քաղաքից (Վաղարշապատից) դուրս եկան, փախան դեպի առապարը, Օշական բերդի կողմը՝ ապավինելով այն անապատին ու քարքարուտ տեղերին: Սաստիկ պատերազմ եղավ: Եվ Հայոց զորավարի (Վաչե Մամիկոնյան) նիզակակիցները, որ էին Բագրատ Բագրատունին, Մեհունդակ եւ Գարեգին Ռշտունիները, Ամատունյաց տոհմի նախարար Վահանը, Վարազ Կամիկանը, հասան, խփեցին, կոտորեցին ալանների, մաքրոթների, հոների ու մյուս ազգերի զորքերը...»:

Օշականը հայտնի է նաեւ ռուս-պարսկական 1826-28 թվականների պատերազմի տարիներին տեղի ունեցած իրադարձություններով: Գյուղի տարածքում ռուս-հայկական զորքերը, Աֆանայի Կրաստվսկու զխավորությանը, 1828 թվականի օգոստոսի 17-ին հաղթեցին պարսիկ Աբաս-Միրզայի բանակին:

Բայց եւ՝ մեր ժողովրդին, եւ՝ շատ օտարների Օշականը հայտնի է կապված Սուրբ Մեսրոպ Մաշտոցի հետ: Օշականի Սուրբ Մեսրոպ Մաշտոց եկեղեցին, որը 1996 թվականից Արագածոտնի թեմի առաջնորդանիստն է, գտնվում է գյուղի մեջ՝ Քասախ գետի ձախ ափին՝ հնգաթռիչք կամրջի հարեւանությամբ: Ըստ պատմական մի շարք աղբյուրների ժամանակակից եկեղեցին կառուցվել է 5-րդ դարում Վահան Ամատունի իշխանի կողմից կառուցված եկեղեցու տեղում: Հայոց Քերթովա-հայրը Մովսես Խորենացին, ով եղել է Մեսրոպ Մաշտոցի աշակերտներից եւ նրա հանձնարարականով՝ ընկերների հետ ուսման էր գնացել Բյուզանդիա, երբ վերադառնում է, արդեն մահացել էին Ամենայն Հայոց 10-րդ կաթողիկոս Սահակ Պարթևը եւ Մաշտոցը: Խորենացին իր «Հայոց պատմություն» մատյանի «Ողբ» գլխում գրում է. «...Եվ մինչ նրանք սպասում էին մեր դարձին, որ փառավորվեին իմ անիմաստ գիտությանը եւ լիակատար պատրաստությանը, եւ մենք էլ Բյուզանդիայից շտապ-շտապ դիմելով, հույս ունեցինք հարսանիքներում պարել, խիզախ եւ արագ շարժումներով, եւ առագաստի երգեր երգել,- այժմ, այդ ուրախության փոխարեն, գերեզմանի վրա ողբեր են ասում, ողորմելի հառաչելով, նույնիսկ չհասա տեսնելու նրանց աչքերի փակվելը, լսելու նրանց վերջին ձայնն ու օրհնությունը...»:

Իսկ Մաշտոցի մահվան մասին Խորենացին գրում է. «Սուրբ Սահակի վախճանվելուց վեց ամիս հետո, մեհեկան ամսի տասներեքին, երանելի Մեսրոպն էլ այս աշխարհից փոխվեց Վաղարշապատ քաղաքում, գերագնացելով բոլոր առաքինի մարդկանցից, որպիսիք այն ժամանակ կային: Որովհետեւ ամբարտավանությունը եւ մարդահաճությունը նրա վարքում երբեք տեղ չգտան, այլ հեզ, բարյացակամ եւ բարեմիտ լինելով, երևում էր բոլորին՝ երկնայինների սովորությանը զարդարված: Որովհետեւ նա հրեշտակի տեսք ուներ, ծննդական միտք, պայծառ էր խոսքով, զործերով ժուժկալ, մարմնով փառահեղ, սովորություններով անմման, խորհրդակցությանը մեծ, հավատով ուղիղ, հուսով համբերող, սիրով անկեղծ, ուսուցանելիս անձանձրույթ»:

Ինչպես գիտենք Սուրբ Սահակ Պարթևը մահացել է 439 թ. սեպտեմբերի 7-ին, Բագրեւանդի Բլոնցաց գյուղում, իսկ Սուրբ Մեսրոպ Մաշտոցը՝ 440 թ. փետրվարի 17-ին (մեհեկան 13)՝ Վաղարշապատում: Եվ Խորենացին, եւ Մաշտոցի կենսագիր Կորյունը հետաքրքիր երեւույթի մասին էլ են նկարագրում: «Ինչպես լսեցի բազմաթիվ եւ արժանահավատ անձերից, խաչի ձեւով աղոտ լույս էր շողում այն տան վրա, որտեղ երանելին հոգին ավանդեց: Եվ շուտով չանհետացավ այս շողքը, քչերին տեսանելի չեղավ, այլ՝ բոլոր բազմությանը, այնպես որ շատ անհավատներ մկրտվեցին»: Կորյունը գրում է. «Եվ մինչդեռ Սրբի ձեռքերը կարկառված էին դեպի երկինք, խաչանման, լուսավոր շողավոր ձեւով սքանչելի տեսիլ երեւաց այն ապարանքի վրա, ուր վախճանվում էր երանելին. եւ ամեն մարդ ինքը տեսավ այդ, եւ ոչ թե ընկերը



պատմեց: Եվ նա սրբերին սեր ու միաբանություն ավանդեց, մերձավորներին ու հեռավորներին օրհնությանը պակեց եւ հաճոյական աղոթքը Քրիստոսին հասցնելով՝ հանգավ»:

Կորյունը, ով ներկա է եղել, հիշատակում է այդ օրը Սրբի մոտ են եղել նրա աշակերտներից հոգեւորականներ Հովսեփը, Թադիկը, զինվորականներից՝ Վահան Ամատունին՝ Մեծ Հայքի հազարապետը, Հմայակ Մաիկոնյանը (Վարդան Մամիկոնյանի եղբայրը), այլոք: Պատմիչները նաեւ նկարագրում են ինչպես են ներկա իշխանները որոշել՝ որտեղ հուղարկավորեն Սրբին: «Վահանն ու Հմայակը, աշխարհական բազմության հետ, վերցրեցին նրան վախճանվածի պատրաստությամբ, սաղմոսներով եւ օրհնությամբ ու հոգեւոր ցնծություններով, վառած կանթեղներով ու... բարձրացան Օշական եւ այնտեղ մարտիրոսարանի մեջ դրին...»: Սա վկայում է դեռեւս այն ժամանակ Օշականում եղել է Սուրբ-Մարտիրոսների հանգստարան:

Խորենացին գրում է, որ կար 3 կարծիք՝ Սրբին հուղարկավորել կամ Տարոնում՝ իր ծննդավայրում, կամ Գողթնում, կամ Վաղարշապատում՝ սրբերի հանգստարանում: «Բայց հաղթեց քաջ Վահան Ամատունին, որ ավելի ջերմեռանդ էր հավատով եւ հզոր էր մարմնով, քանզի պարսիկներն այդ ժամանակ նրան էին վստահել մեր Հայոց աշխարհի հազարապետությունը: Նա մարմինը վերցրեց եւ արժանավայել հուղարկավորությամբ տարավ իր գյուղը՝ Օշական: Եվ նույն լուսեղեն խաչի երեւույթը դազաղի վրա գնում էր դեմ հանդիման բոլոր ժողովրդին, մինչեւ նրան հողից հանձնեցին Վահանը եւ նրա սպասավոր Թաթիկը, ինչից հետո նշանն աներեւույթ եղավ: Իսկ եպիսկոպոսապետության աթոռին իբրեւ տեղապահ նստեց երանելի Մեսրոպի հրամանով նրա աշակերտը՝ Հովսեփ քահանան, որ Վայոց ձորից էր Հողոցիմ գյուղից...»:

Հնարավոր է՝ Վաղարշապատից մինչեւ Օշական, որ իրարից շատ հեռու չեն, Սրբի մարմինը, մեծ թափորի ուղեկցությամբ, տարել են ձեռքի վրա: Երկնային շողքն ուղեկցել է թափորին:

Արագածոտնը վաղ միջնադարում եղել է Ամատունի նախարարական տան եպիսկոպոսների տեչուության կենտրոն: Իսկ Օշականն Ամատունի նախարարների կենտրոն է դարձել Հայոց թագավոր Խոսրով Բ Արշակունու օրոք՝ 330-338 թվականներին: Նույն պատմիչները տեղեկացնում են 3 տարի անց՝ 443թ., Վահան Ամատունին Մաշտոցի գերեզմանի վրա եկեղեցի է կառուցում: Կորյունը գրում է. «Իսկ երեք տարի անցնելուց հետո՝ Վահան Ամատունուն հաջողվեց՝ քրիստոսասեր ջանքով սքանչելի տաճար կանգնել տաշած քանդակած քարերով եւ տաճարի ներսում շինեց Սրբի գերեզմանը: Նա Քրիստոսի կենդանարար մարմնի ու արյան սեղանի համար վայելելի, գույնզգույն ոսկով, արծաթով ու քարերով պայծառափայլ անոթներ պատրաստեց ի հիշատակ, եւ մի տեղ հավաքված բոլոր սրբերի հետ Քրիստոսի խաչակրոն վկայի՝ երանելի Մաշտոցի մարմինը փոխադրվեց տաճարի գերեզմանը: Եվ նրա Թադիկ ամունով աշակերտին մի զգաստ ու բարեպաշտ մարդու, եղբայրների հետ, երանության հասած Սրբի համար սպասավոր կարգեցին ի փառս Աստծո»:

Սուրբ Մաշտոցի մահվան հաջորդ տարին իսկ ասեմանվեց հատուկ տոն նրա հիշատակին. Սրբի գերեզմանը դարձել է ուխտատեղի: Օշականի ներկայիս Սուրբ Մաշտոց եկեղեցու մասին հիշատակություններ են թողել նաեւ հետագա դարերի պատմիչները: Թովմա Աթորունի եւ Անանունի «Պատմություն Արծրունյաց տան» գրքում կարդում ենք. «Երբ այս ամենը կատարվեց, Սուրբ Սահակը, 120 տարի ապրելուց հետո, այս աշխարհից փոխվեց հրեշտակների կարգը: Սրբի մասունքները տարան ամփոփեցին Տարոնի Աշտիշատ ավանում, Սուրբ Հովհաննես Մկրտչի եւ Աթանագինես Գահատակի վկայարանի տեղում: Վեց ամիս անցնելուց հետո, նույն տարում վախճանվեց նաեւ Սուրբ Մաշտոց վարդապետը: Հայոց նախարարների բազմությունը, Վահան Ամատունու ղեկավարությամբ, որն այդ ժամանակ Հայոց սպարապետն էր, խաչի ձեւ ունեցող լույսի ուղեկցությամբ տարան եւ թաղեցին Արագածոտնի Արագածոտնի կոթողի մոտ: Օշականի Սուրբ Մեսրոպ վարդապետի այս տաճար-հանգստարանի ողջ տանիքը վաղ ժամանակներից փլվել է, նստել էր, միայն ավագ խորանն էր մնացել ծածուկ: Եվ Սուրբ հայրապետ Փիլիպոսն իր կաթողիկոսության ժամանակներում սկսեց այն եւս նորոգել, որ եւ արեց մեծ ծախսերով եւ աշխատանքով, մշակված քարով, մածուցիկ կրով մինչեւ ամբողջն ավարտեց մեր թվականի 1094 (1645թ.) տարում՝ ի փառս Աստծո»:

րությամբ, որն այդ ժամանակ Հայոց սպարապետն էր, խաչի ձեւ ունեցող լույսի ուղեկցությամբ տարան եւ թաղեցին Արագածոտն կոթող գավառի Օշական գյուղում:

Առաքել Դավրիժեցի պատմիչը «Պատմություն» գրքում հիշատակում է. «Նաեւ Աստծու փառքի հոյակապ, լայնանիստ, բարձրապետ տաճարը՝ Սուրբ Մեսրոպ մեծ վ ա ղ ա պ ե տ ի հ ա ն գ ս տ ա ղ ա ն ը, այն Մեսրոպի, որ Հայոց գրերը

գտավ. ինչպես որ նրա պատմության խոսքերն են ասում, թե նրան տարան ամփոփեցին այն գյուղում, որ անվանվում է Օշական: Արդ՝ Սուրբ Մեսրոպ վարդապետի այս տաճար-հանգստարանի ողջ տանիքը վաղ ժամանակներից փլվել է, նստել էր, միայն ավագ խորանն էր մնացել ծածուկ: Եվ Սուրբ հայրապետ Փիլիպոսն իր կաթողիկոսության ժամանակներում սկսեց այն եւս նորոգել, որ եւ արեց մեծ ծախսերով եւ աշխատանքով, մշակված քարով, մածուցիկ կրով մինչեւ ամբողջն ավարտեց մեր թվականի 1094 (1645թ.) տարում՝ ի փառս Աստծո»:

Օշականի եկեղեցու ներսում եղել է արձանագրություն, որը Հովհ. Շահխաթունյանցի ընդօրինակմամբ այսպես է. «Ի թվականին ՉԼԷ (737+551=1288), եւ՝ Գեշմարդս էի ամիրայ եւ Հաւիկս ձեռնաւոր թողաք զգր Կարապետին այգեացն զԱւշականու, զՄիրհնու զձեռնաւորին զհարկն, զինչ որ կայր...»: 19-րդ դարում Գեւորգ Դ կաթողիկոսը (1813-1882) ծավալել է շինարարական լայն գործունեություն: 1868-ին Վաղարշապատի Մայր Տաճարի արեւելյան կողմում կառուցել է կցաշենք, որտեղ կազմակերպել է եկեղեցապատմական թանգարան, նորոգել է տվել Սուրբ Գայանե վանքը, այնտեղ կառուցել արեւմտյան կամարակապ դարպասը, կառուցել է Մայր Աթոռի միաբանների բնակելի շենքերը, Բյուրականի կաթողիկոսական ամառանոցը, 1875-1879 թվականներին վերակառուցել է Օշականի Սուրբ Մեսրոպ Մաշտոց եկեղեցին եւ այլն:

Այժմ Օշականի եկեղեցու արեւմտյան զխավոր մուտքի վերին հատվածում սպիտակ մարմարե քարին կա հետեւյալ արձանագրությունը. «ՈՂՈՐ-ՄՈՒԹԵԱՄԲԵ ԱՍՏՃՈՅ ՍՐԲԱԶՆԱԿԱՍԱՐ ՀԱՅՐԱՊԵՏ ԱՄԵՆԱՅՆ ՀԱՅՈՑ Տ.Տ.ԳԵՈՐԳ Դ. ԿԱՌՈՒՂԻԿՈՍ ՎԵՐԱԿԱՌՈՒՅՑ Ի ՀԻՄԱՆՑ ՉԱՍՆ ԵԿԵՂԵՑԻ ՕՇԱԿԱՆ ԳԵՂՁՍ ԵՒ ԶՂԱՄԲԱՐԱՆ ՍՐԲՈՅՆ ՄԵՍՐՈՊՈՍ ԹԱՐԳՄԱՆՉԻ ՄԵՐՈՅ ՈՐ Ի ԱՍԱ. ՏՐՈՔ ՀԱՅՈՑ ՈՒՄԱՍԱՆՆԻ ՅԱՍԻ 1879 ԵՒ ՀԱՅՈՑ ՈՅԻԹ»: 1879 թ. հոկտեմբերի 21-ին Օշականի եկեղեցին օծվել է: Ամիսներ անց՝ 1880 թվականին, եկեղեցու հարավային կողմում, Վահան Ամատունու գերեզմանի վրա, կանգնեցվել է հուշակոթող՝ «ՎԱՅՆ ԱՄԱՏՈՒՆԻ ԻՇԽԱՆ ՀԱՅՈՑ» գրությամբ: Իսկ 1884 թ. եկեղեցուն արեւելքից կցել են երկհարկ, 8-սյունանի ռոտոնդայով պսակված զանգակատուն՝ զլանածու ծավալով եւ Ավագ խորանից բացվող մուտքով: Մասնագետները գտնում են նա բացառիկ է հայ եկեղեցաշինական ճարտարապետության մեջ: Այժմ եկեղեցու հարեւանությամբ կա դպրատուն, որը կառուցվել է 1913 թվականին եւ հիմնանորոգվել Ամենայն հայոց կաթողիկոս Գարեգին Ա-ի առաջնորդությամբ՝ 1996-ին: Եկեղեցու ետնաբակում է գտնվում նաեւ հայ գրերի պուրակը եւ Մաշտոցի արձանը: Ամբողջը քանդակված է կարմիր տոֆից: 1997 թ. եկեղեցու արեւմտյան կողմում, Ժ. եւ Հ. Գաբրիելյանների բարերարությամբ կառուցվել է առաջնորդարանի շենքը (ճարտարապետ՝ Հ. Բաբախանյան): Սուրբ տաճարի պատերը ներքուստ նկարագրողվել են: Արեւմտյան պատին Հ. Մինասյանի եւ Հ. Մամյանի «Փառք հայ գրի եւ դպրության» որմնանկարն է: Հարավային պատին կանգուն են ծնրադիր նետածիզ զինվորներն են, նրանց զխավերունում՝ ուժի, հայրենիքի կենսունակության խորհրդանիշ թեւատարած արծիվը: Հյուսիսային պատին պատկերված է Հայաստանի գաբունը՝ ծաղկած ծառերով, զվարթ աղջիկներով, այլ պատկերներով:

1995 թ. եկեղեցու արեւմտյան կողմում կանգնեցվել է քառակող հուշակոթող արեւելյան կողմին հայոց այբուբենն է քանդակված՝ տակը՝ Աստվածաշնչյան հայտնի «Ճանաչել զիմաստութիւն եւ զխրատ, իմանալ զբանս հանճարոյ» խոսքը՝ հայերեն գրված առաջին նախադասությունը: Հարավային կողմում արեւային ժամացույց է եւ այլ գրություններ ու քանդակներ:

ԳԵՂԱՐՔՈՒՆԻՔԻ ՄԱՐԶԻ ՀԱՄԱՅՆՔՆԵՐՈՒՄ ՀԱՆԴԻՍԱՎՈՐՈՒԹՅԱՐ ԵՇՎԵՑ ՀՀ ՔԱՂԱՔԱՑՈՒ ՕՐԸ

Ապրիլի 25-ի առավոտվա ժամերից Գեղարքունիքի մարզի քաղաքային եւ գյուղական բնակավայրերում անցկացվեցին ՀՀ Քաղաքացու օրվան նվիրված միջոցառումները:

Սեւան համայնքում ՀՀ Քաղաքացու օրվա միջոցառումներ տեղի ունեցան Սեւանի բիզնես կենտրոնում եւ Լճաշեն բնակավայրի մշակույթի տանը, Օժվագյուղի երիտասարդական կենտրոնում:

Միջոցառման այս ձեւաչափի նպատակն էր «քաղաքացի», «պետականություն» հասկացությունների արժեւորումը, պետության եւ հասարակության նկատմամբ հոգատար, նվիրված ու պատասխանատու վարքագծի ձեւավորումը:

Ս. Ջաքարյանի անվան մշակույթի պալատում եւ Լճաշենի Բ. Հովհաննիսյանի անվան մշակույթի տանը կազմակերպվել են օրվան նվիրված մշակութային միջոցառումներ, համայնքի տարբեր բնակավայրում իրականացվել են ծառատնկման աշխատանքներ:

Օրվա միջոցառումները միավորել են կրթություն, երիտասարդություն, մշակույթ բաղադրիչները:

ՀՀ Քաղաքացու օրվա առթիվ Գավառ համայնքի Գանձակ բնակավայրում տեղի է ունեցել «Մենք ենք մեր պետությունը» խորագրով բանախոսություն, որին հաջորդել է Գանձակի երաժշտական դպրոցի եւ մշակույթի տան շնորհալիների մասնակցությամբ համերգային ծրագիր եւ ձեռքի աշխատանքների ցուցահանդես:

Վարդենիս համայնքի վարչական տարածքում քաղաքում եւ բնակավայրերում, կազմակերպվել է ծառատնկ նորպես բնության պահպանության եւ սերունդների հանդեպ պատասխանատվության խորհրդանիշ: Այլուների եւ Վարդենիս քաղաքի



մշակույթների տներում անցկացվել են թեմատիկ բանախոսություններ՝ «Մենք ենք մեր պետությունը» խորագրով: Վարդենիս քաղաքի Ռոմանի փողոցում տեղադրված տաղավարներում կազմակերպվել է ցուցահանդես-հյուրասիրություն:

Վարդենիսի Վիկտոր Համբարձումյանի անվան քաղաքային զբոսայգում տեղի է ունեցել տոնական համերգային ծրագիր DJ KARE-ի եւ «By THE WAY BAND»-ի մասնակցությամբ:

Մարտունու մշակույթի կենտրոնում իրավիճակ հանդիպման բանախոսն էր Գավառի պետական համալսարանի հումանիտար մասնագիտությունների ֆակուլտետի ղեկան, բանասիրական գիտու-

թյունների թեկնածու, դոցենտ Թաթուլ Ասոյանը: Մարտունու համայնքի Օժվասար գյուղի մշակույթի կենտրոնում ելույթ է ունեցել Մարտունու ավագ դպրոցի տնօրեն Վարդան Ավետիսյանը:

Վարդենիսի երաժշտական դպրոցում հանդիպում է կայացել Հ. Պարոնյանի անվան թատրոնի տնօրեն Լիլիթ Պետրոսյանի հետ:

Մարտունու համայնքի Վերին Գետաշեն գյուղի մշակույթի կենտրոնում հանդես է եկել Քրիստինե Արոյանը՝ «Մեր ժամանակների հերոսը-2025» մրցույթի հաղթողը:

Հանդիպումներ ու միջոցառումներ են տեղի ունեցել նաեւ ճամբարակ համայնքի Ջիլ եւ Դպրաբակ բնակավայրերում:

Բոլոր նշված վայրերում բանախոսությունների ավարտից հետո անցկացվել է նաեւ տոնական համերգային ծրագիր:

Միջոցառումները բաց են եղել բոլոր ցանկացողների համար: Քաղաքացու օրը եւս մեկ հնարավորություն է վերաթելու յուրաքանչյուրի դերը մեր պետության կառուցման եւ զարգացման գործում, - նշեցին Գեղարքունիքի մարզպետի աշխատակազմից:

«Գեղամա աշխարհ»

ԳԱՎԱՐ ՀԱՄԱՅՆՔԻ ԳԱՆՁԱԿ ԳՅՈՒՂՈՒՄ ՀՀ ՔԱՂԱՔԱՑՈՒ ՕՐԸ ԵՇՎԵՑ ԲԱՆԱԽՈՍՈՒԹՅԱՐ ԵՎ ԶԱՆԱԶԱՆ ՄԻՋՈՑԱՌՈՒՄՆԵՐՈՎ

ՀՀ Քաղաքացու օրը Գավառ համայնքում նշանավորվեց միջոցառումների հագեցած օրակարգով: Ինչպես տեղեկացրին Գավառի համայնքապետարանի աշխատակազմից, միջոցառումներն իրականացվեցին Գանձակ բնակավայրում: Տոնական օրը մեկնարկեց Գանձակի մշակույթի տանը կազմակերպված ցուցահանդեսով, որում ներկայացված էր մշակույթի տան սաների ձեռքի աշխատանքները:

Միջոցառումների շարքը շարունակվեց «Մենք ենք մեր պետությունը» խորագրով բանախոսությամբ: Օրվա բանախոս Սեւակ Սարգսյանը ներկայացրեց պետություն-քաղաք հարաբերությունները եւ դրանցում քաղաքացու դերը:

Բանախոսի հետ ակտիվ երկխոսություն եւ քննարկում ծավալեցին մասնակից երիտասարդները, բարձրացված հարցերի շնորհիվ ամբողջացան պատկերացումները



թեմայի վերաբերյալ: Բանախոսության ավարտից հետո խարույկների վրա պատրաստվեց խորոված, եւ ավանդական ուտեստի հյուրասիրությամբ բաժակ բարձրացվեց օրվա առթիվ: Հյուրասիրվողները Գանձակ համայնքի բնակիչներն էին:

Օրը հանձնվել է նաեւ գեղերվեստական միջոցառմամբ: Գանձակի մշակույթի տան դահլիճում Գանձակի երաժշտական դպրոցի սաները, բարեմաղթանքներով, հայրենասիրական ու ազգագրական երգ ու պարով ստեղծել են տոնական միջավայր:

Տոնական կիջոցառումների ավարտին Գանձակի կենտրոնական զբոսայգում Գավառ համայնքի ղեկավարի տեղակալ Գրիգոր Բոշյանը եւ Գանձակի վարչական ղեկավար Հակոբ Հակոբյանը օրն ամփոփել են խորհանձակական ծառատնկով:

Ավարդ Մանուկյան

ԳԱՎԱՐԻ ԵՐԱԺՇՏԱԿԱՆ ԴՊՐՈՑԻ ՍԱՆԵՐԸ ՀԱԶՈՂՈՒԹՅՈՒՆՆԵՐ ԵՆ ԳՐԱՆՑԵԼ ՄԻՋԱԶԳԱՅԻՆ ՄՐՑՈՒՅՐ-ՓԱՌԱՏՈՆԵՐՈՒՄ

Գավառի Հենրիկ Թալալյանի անվան երաժշտական դպրոցի դիպլոմատների համույթը մարտի 28-ին Վրաստանի Թբիլիսի քաղաքում մասնակցել է «WORLD OF ART-2026» միջազգային մրցույթ-փառատոնին՝ արժանանալով պատվոգրի եւ հուշանվերի:

Ինչպես տեղեկացրին Գավառի համայնքապետարանի աշխատակազմից, դիպլոմատների խմբի ղեկավարն է Յուրիկ Բուդաղյանը:

Ապրիլ ամսին դպրոցի սաները հաջողությամբ մասնակցել են նաեւ «ARM PROF MUSIC FEST» մրցույթ-փառատոնին՝ գրանցելով բարձր արդյունքներ:

Առաջին կարգի եւ հատուկ մրցանակ-



ների են արժանացել Վոկալ բաժնի սաներ Հայրապետ Հայրապետյանը եւ Դիանա Դրմոյանը, Երկրորդ կարգի մրցանակի Հայկ Հայրապետյանը, Հայրապետ Հայրապետյանը, Արթուր Ավետիսյանը, Ալեն Հովհաննիսյանը, Գագիկ Վանեցյանը, Երրորդ կարգի մրցանակի Արիանա Հովհաննիսյանը, դիպլոմների Անի Ասիկյանը, Մանե Հովեյանը, Դիանա Ադամյանը, Լիլիթ Ջաքարյանը:

Մրցանակակիրների հաջողություններն ապահովել են դասատուներ Աննա Գրարյանը, Շահեն Շոյանը, Գայանե Մնեյանը:

Խոսրով Խլղաթյան

ԽՐԱԽՈՒՄՎԵԼ ԵՆ ՄԱՐՏՈՒՆԻ ՀԱՄԱՅՆՔԻ ԱՆԱՄՆԱԲՈՒՅԺՆԵՐԸ

Գեղարքունիքի մարզի Մարտունու համայնքի ղեկավար Հովհաննես Հովեյանն «Անասնաբույժի օրվա» առիթով ընդունել է խրախուսել է համայնքի բնակավայրերի անասնաբույժներին:

Ինչպես տեղեկացրին Մարտունու համայնքապետարանի աշխատակազմից, համայնքապետարանում իրավիճակ խորհրդակցության ընթացքում մասնագիտական ընդհանուր առթիվ անասնաբույժներին շնորհավորել են համայնքի ղեկավարը, աշխատակազմի գյուղատնտեսության եւ բնապահպանության բաժնի պետը:

Խորհրդակցության ընթացքում քննարկվել են ոլորտի նորամուծությունները, պատվաստումների իրազեկման կարելությունը, դեղամիջոցների պահպանման պայմաններն ու պլանավորված աշխատանքները: Շեշտավորվել է մշտական համագործակցության եւ

համաճարակների նկատմամբ խիստ հսկողության անհրաժեշտությունը:

Հովհաննես Հովեյանը բարձր է գնահատել անասնաբույժների դժվարին ու պատասխանատու գործը նշելով, որ այն ուղղակիորեն կապված է համայնքի եւ ընտանիքների անվտանգության հետ: Նա վերահաստատել է համայնքապետարանի պատրաստակամությունը աջակցելու ծագած խնդիրների լուծմանը:

«Դուք միշտ գնահատված եք եւ ու գտնվում եք մեր ուշադրության կենտրոնում, - հավելել է համայնքի ղեկավարը:

Խորհրդակցության ավարտին Մարտունու համայնքի ղեկավարը մասնագիտական պարտականությունները լավագույնս կատարելու համար անասնաբույժներին հանձնել է շնորհակալագրեր:

«Գեղամա աշխարհ»



# ԳԵՂԱՍՏ 6

## ԿԱՐՄԻՐԳՅՈՒՂԻ ԴԱՆՈՅԻ ՍՈՒՐԲԸ ԵՎ ՊԱՏԿԵՐԱԶԱՐԻ ՏԱՊԱՆԱԲԱՐԸ

Գեղարքունիքի մարզի Կարմիրգյուղի տարածքում բազմաթիվ, անգամ անհաշվելի են պատմաճարտարապետական հուշարձանները, որոնք գոյություն ունեն եկեղեցիների, վանքերի, կիկլոպյան ամրոցների ավերակների, բրոնզեդարյան դամբարանների, միջնադարյան խաչքար-տապանաքարերի, հնագույն բնակատեղիների, մատուռների, այլ արժեքների կամ գտածոների տեսքով:

Կարմիրգյուղի պատմության հուշարձաններին անդրադարձել են հայտնի հայագետներ Մեսրոպ արքեպիսկոպոս Սմբատյանցը, Երվանդ Լալայանը, Սեդրակ Բարխուդարյանը, Գեղեղն Միքայելյանը, Աշոտ Փիլիպոսյանը, այլ հնագետ պատմաբաններ:

Կարմիրգյուղի պատմության եւ նշակույթի հուշարձանների մանրամասն ու ամփոփ նկարագիրը տրված է Կարմիրգյուղի արժանավոր գավակ Վաչիկ Շահբաջյանի «Կարմիրգյուղ» գրքում:

Այդուհանդերձ, գրավոր ոչ մի աղբյուրում չկա հիշատակություն ոչ Դանոյի Սուրբ մատուռի, ոչ էլ նրանից մոտ հարյուր մետր հեռավորության վրա գտնվող օրորոցածեւ միջնադարյան երկու տապանաքարերի մասին:

Եվ դա բնական է, քանի որ տապանաքարերը հողի տակից դուրս են բերվել միայն անցած դարի իննսուներկան թվականներին, իսկ Դանոյի Սուրբ մատուռը կառուցվել է ընդամենը 2024 թվականին, միջնադարյան ժամանակներում ժայռաքարի վրա քանդակված խաչերի շուրջ:

Այս երկու նորահայտ հուշարձանները գտնվում են Կարմիրգյուղի հարավ-արեւմտյան թեւում, նախկին քարի արտադրամասի մոտերքում:



Դանոյի Սուրբ նորակառույց, սրբատաշ տուֆ քարով կառուցված մատուռի ներսում կա մի չիղկված ժայռաքար, որի վրա նկատվում են քանդակված չորս խաչեր:

Ենթադրվում է, որ դրանք քանդակված կլինեն միջնադարյան ժամանակներում, իսկ տարածքն էլ, իր ժայռեղեն գոյությամբ, գուցե թե մատուռ-ճգնարան է ծառայել հավատավոր այրերի համար:

Եվ այս վայրը սրբավայր է համարվել հենց այս ժայռախաչերի գոյությամբ:

Իսկ թե ինչու է այն կապված Դանոյի անվան հետ, պարզում ենք Կարմիրգյուղի Դանիելյանների տոհմի ներկայացուցիչ, այժմ երեւանաբնակ Սամվել Դանիելյանից, ում իսկ վկայությամբ՝ 1920-ական թվականների մոտակայքում իր նախատատ Արմաղան Դանիելյանը երազում տեսնում է, որ նշված վայրում կա խաչքար, հաջորդ օրը գնում է երազում տեսած վայրը եւ քարափը քանդելով գտնում մատուռում գտնվող խաչքարը, ու այդ դեպքից հետո Կարմիրգյուղում տվյալ վայրը հայտնի է դառնում Դանոյի սուրբ անվանմամբ: Այդուհետ մարդիկ այդտեղ ուխտի են գալիս ու մոմ են վառում, տարածքը համարում սրբավայր, ավելի քան մեկ դար շարունակ:

Նորակառույց մատուռի մուտքի արտաքին պատին փակցված գրությունը պատ-

մում է վարպետ Խաչիկի կողմից 995 թվականին կառուցված հրեշտա կ ի խաչքարի մասին, որը կանգնեցվել է Այուրյաց Վասակ թագավորի դուստր ու Ք ա գ ի կ Բ ա գ Ր ա տունու կին Կատրանի-դեի պատվին, ով ըստ ավանդության,

գիր այս օրորոցածեւ տապանաքար իր ոճով նման է մեր բնակավայրերում սփռված ու 16-րդ դարում քանդակված տապանաքարերին: Տապանաքարի հյուսիսային կողմում որսի տեսարան է պատկերված: Չախ կողմում հեծյալ է պատկերված, դիմացը որսի շունն է, իսկ աջ կողմում պատկերված է ձի՝ առանց հեծվորի: Ինչ-որ մեկը բռնել է ձիու սանձը: Սա կարող է նշանակել, որ հեծվորը գողվել է մարտում կամ որս անելիս, իսկ ձին վերադարձել էր առանց տիրոջ: Այն կարող էր հիշեցնել «Չին օրերի երգը» ֆիլմում հնչող Չայաստան մայրիկի երգը:

Տապանաքարի հարավային կողմում հստակ երեւում է մարդկային ֆիգուր, ով աջ ձեռքով բռնել է սափորը, ձախ ձեռքով՝ գինու գավը, որի վրա հավերժության նշան է պատկերված, իսկ ներքեւում ուտեստներով ծանրաբեռնված սեղան է: Ավելի աջ եւս մեկ մարդկային ֆիգուր է երեւում:

Այս գեղեցիկ պատկերաքանդակը պատմում է մարդկանց վարած աշխարհիկ կյանքի մասին: Այն համար-

չաքաթվա մեջ երկու օր պաս է պահել ու այցելել այս սրբավայր: Այս խաչքարն ունեցել է Աստվածային զորություն եւ բուժել հիվանդություններ:

Սամվել Դանիելյանի համոզմամբ՝ այս խաչքարը եղել է հրեշտակի պատկերաքանդակով, որի վերին մասը փշրվել է արաբական արշավանքի ժամանակ, եզիդ խալիֆի հրամանով, իսկ ներքեւի մասը պահպանվել ու այստեղ է տեղադրվել հայ բնակիչների ջանքերով: Դանոյի Սուրբ սրբատաշ մատուռը կառուցվել է Դանոյի տոհմի ներկայացուցիչ Արեգ Դանիելյանի միջոցներով, օրինվել 2025 թվականի սեպտեմբերի 14-ին:

Փաստորեն, այս վայրը վաղուց ոչ միայն Դանոյանների, այլ նաեւ կարմիրգյուղցիների ու այլ վայրերում ապրող մարդկանց սրբավայրն է դարձել: Չենք կարող պնդել այս փաստերի հավաստիության շուրջ, սակայն չենք էլ առարկում, որ այս տեղանքն իր մեջ պատմական միջավայր է պարունակում:

Նկատելի է նաեւ, որ այս տարածքում հին ու միջնադարյան ժամանակներում եղել է բնակավայր-սրբատեղի, ուր նաեւ թաղումներ են կատարվել:

Այս մասին էլ հենց փաստում են մատուռից դեպի հարավ, Միսաք Գասպարյանի հողամասի մեջ գտնվող երկու տապանաքարերը, որոնցից մեկը կիսով չափ ու մեկ երեսով ամբողջությամբ գտնվում է հողի տակ, իսկ մյուսը լրիվ դուրս է բերված հողի տակից, ու հստակ երեւում են պատկերաքանդակները:

Պատմաբան, հնասեր Սեւակ Արելչատյանի բնորոշմամբ՝ անարձանա-



վում է հայ պատկերաքանդակային արվեստի նմուշներից մեկը, որը, անշուշտ, պետք է ներառվի Չայաստանի Չանրապետության Չուշարձանների պաշտպանության պետական ցանկում:

**Խոսքով Խլղաթյան**

### ԳԵՂԱՐՔՈՒՆԻՔԻ ՄԱՐԶՈՒՄ ՇԱՐԱԹՕՐԱՅՎԻ ԱՇԽԱՏԱՆՔՆԵՐՈՒՄ ՆԵՐԳՐԱՎՎԵԼ ԵՆ ՇՈՒՐՁ 21 ՀԱԶԱՐ ՄԱՍՆԱԿԻՑ

Գեղարքունիքի մարզի բոլոր բնակավայրերում 2026 թվականի ապրիլի 26-ին անցկացվել է համապետական շաբաթօրյակ, որում ներգրավվել են Գեղարքունիքի մարզպետի, Գավառի, Մարտունու, Ճամբարակի, Վարդենիսի եւ Սեւանի համայնքապետարանների աշխատակազմերի, ՀՀ ՆԳՆ Փրկարար ծառայության, պարեկային ծառայության, «Սեւան Ազգային պարկի», հանրակրթական եւ առողջապահական հիմնարկների, մասնավոր ընկերությունների աշխատակիցներ, անհատ քաղաքացիներ:

Մարզային շաբաթօրյակի ախատանքների կազմակերպման նպատակով ներգրավվել է շուրջ 21 հազար մասնակից, գործի է դրվել 77 միավոր տեխնիկա, 4034 գործիք:

Կուտակված աղբից մաքրվել են բնակավայրերի մայթերը ու ճանապարհաեզրերը, պուրակներն ու զբոսայգիները, հուշարձանների, հիմնարկ-ծեռնարկությունների բակային տարածքները, հանրապետական ու մարզային նշանակության ճանապարհների եզրերը, լվացվում են հուշարձանները եւ շենքերի ճակատները:

Մաքրման աշխատանքների հետ մեկտեղ համայնքների բնակավայրերի ներսում մայթերերին ու հիմնարկ-ծեռնարկությունների բակային տարածքներում իրականացվել է ծառատունկ:

**«Գեղամա աշխարհ»**



### ԳԵՂԱՐՔՈՒՆԻՔԻ ԲՈՒԺ-ՀԻՄՆԱՐԿՆԵՐՈՒՄ 2026 ԹՎԱԿԱՆԻ ԱՊՐԻԼԻՆ ԾՆՎԵԼ Է 79 ԵՐԵՒԱՆ

Գեղարքունիքի մարզի ծննդօգնություն իրականացնող բուժօգնություններում 2026 թվականի ապրիլ ամսին ծնվել է 79 երեխա՝ 41 տղա եւ 38 աղջիկ:

Ինչպես տեղեկացրին Գեղարքունիքի մարզպետի աշխատակազմի առողջապահության եւ սոցիալական հարցերի վարչությունից, 26 երեխա ծնվել է Մարտունու ծննդատանը, 25 երեխա՝ Սեւանի, 12 երեխա՝ Գավառի, 9 երեխա՝ Վարդենիսի բժշկական կենտրոններում, 4 երեխա՝ Ճամբարակի առողջության կենտրոնում:

2025 թվականի ապրիլ ամսին Գեղարքունիքի մարզի ծննդօգնություն իրականացնող բուժօգնություններում ծնվել է 73 երեխա՝ 38 տղա եւ 35 աղջիկ:

**«Գեղամա աշխարհ»**

### ՀԱՅԿԱԿԱՆ ԸՆՏԱՆԻՔԻ ԸՆԴՀԱՆՈՒՐ ԿԿԱՐԱԳԻՐԸ ՀՐԱՆՏ ՄԱԹԵՎՈՍՅԱՆԻ ՄՏԵՂԾԱԳՈՐԾՈՒԹՅԱՆ ՄԵՋ



**/սկիզբը՝ նախորդ համարներում/**  
Շուշանի անհարգալից վերաբերմունքը ամուսնու հիշատակի նկատմամբ առարկայանում է սեփական զավակների ծնեքով: Աճեցված ծառը, որը ոչ միայն Ակոպի ու Մանվելի հիշատակարանն է, այլև հայ տղամարդու սրբազան պարտականություններից մեկը, դատապարտվում է չորանալու: Ծառի ավերումով ավերվում է ընտանիքի հայրը, նրա իշխանությունը, շվաքը իր տան եւ զավակների վրա:

Աշխենը («Օգոստոս») ակտիվ, աշխատասեր կին է, ինչին դիպչում է աչքի է ընկնում մաքրության, դասավորության փայլով, սեփական եւ ֆերմային վերաբերող գործերը կատարում է մեծ եռանդով: Իր գործունյա բնավորությամբ երբեմն զայրույթով է լցվում դանդաղող, գործին անտարբերությամբ նայող Անդրոյի նկատմամբ: Ամուսնու հանդեպ կրկնվող պոթեկումը միայն Աշխենի բնույթով պայմանավորված չէ, այլև Անդրոյի: Վերջինս փոքր-ինչ ավարկոտ, կյանքի ընթացքին, նրա փոփոխություններին անտարբեր, նախանձախնդրություն չունեցող, երբեմն հայացքն իր տան գործից ու երբեմն էլ, Աշխենից հեռու, սակայն տեսակով իր ունեցածից գոհ մարդ է:

Աշխենի մեջ մեծ նախանձախնդրություն կա կյանքում ամեն բանի նկատմամբ: Աշխենը նպատակադրող է լուրջությամբ առաջ ընթացող տեսակ է: Նա սովոր է առաջինը լինել ամեն ինչում: Անդրոյի անհաշտությունը կնոջ լեզվի հետ, առիթից առիթ նրան տնից դուրս անելը, Աշխենի հոգում արդեն իսկ վերածվել է մեծ զայրույթի, իսկ Անդրոյի եւ Մարիամի մասին շշուկները խորացնում են եղածը: Աշխենը նաեւ մեծահոգի եւ սրտացավ մարդ է, նա ընդունակ է հասկանալու Մարիամի կացությունը, այրի կնոջը բաժին հասած հոգսերը: Ուստի Մարիամին տնավարի ծեծելը ոչ թե անողորմ կնոջ, այլ իր ունեցածը պաշտպանողի վարմունք է: Աշխենը ձգտում է պահպանել իր եւ իր ընտանիքի արժանապատվությունը:

Մարիամի կապը Անդրոյի հետ իրականում կանոնավոր բնույթ անգամ չի կրում: Անդրոյից առաջ պատահել են ուրիշները, սակայն նրանք էլ չեն մտել Մարիամի կյանք: Ամեն այր, որ երբեք է նայել է Մարիամի երեսին, նայել է առաջին եւ վերջին անգամ, եւ այդ պատահել է Մարիամի խեղճությունից, իր բազում հոգսերի մեջ մեկնակությունից եւ բնության պահանջով: Մարիամն իր փխրուն ուսերը խոտի բեռան տակ ցավեցնելով, սեւացնելով կով է պահում, որպեսզի ինքը լինի իր տան տերը, իր գլխի տերն ու իր նեցուկը եւ նեղություն չպատճառի ոչ դատերը, ոչ փեսային:

Անդրոյին պարբերաբար կանչող նաևը հոգատար, անհանգիստ մոր կերպար է, որի աչքը շարունակ հսկում է որդու ապրուստի փեթակների, ուրուրից վնասվող հավերի, ձիու, խոտի, բակի, տան, ամեն բանի վրա: Նաևը ականջալուր է ամեն ինչին, նրան հայտնի է անգամ, թե մեղուն երբ է սերունդ տալիս:

Գյուղին անծանոթ վարքաբար ունեն «վիթխարի» հովվեկն ու նրա դուստրերը: Նրանք գյուղաշխարհի մարդիկ չեն, ուստի չեն կարող ըմբռնել Անդրոյի հորդորը՝ իրենց ընտանիքի հոր համար մոռի մուրաբա պատրաստելու մասին: Չեն կարող հասկանալ գետափը զննող հայացքների թաքուն հետաքրքրություններն իրենց արտաքին տեսքի նկատմամբ: Այն, ինչը սովորական է եւ պատշաճ գետափին հանգստացող «վիթխարուն», ամոթալի է եւ հանդուգն բնության արժեքի մեջ ներփակ եւ կուսական գյուղի տեսանկյունից:

Ընտանիքը Արեւմուտքում է Արեւելքում  
«Կենդանին եւ մեռյալը» վիպակի ուսումնասիրության շրջանակներում գրականագետ Վ. Գրիգորյանը կարելու է Արեւելք-Արեւմուտք փոխհարաբերությունների քննությունը: Որքան հետեւողական աշխատանք է կատարվում հասկանալու բազմաձևավալ երկի շերտերը, այնքան հա-

մոզիչ եւ արժանահավատ է դառնում գրականագետի կատարած դիտարկումը:

«Կենդանին եւ մեռյալը» գրողի համար համաշխարհային մեծ դերակատարում ունեցող Արեւմուտքի եւ իր մի քանի հազարամյա հոգեւոր ու մշակութային արժեքներին հավատարիմ Արեւելքի միջուկ համեմատություններ անցկացնելու եւ ծայրահեղորեն տարբեր հատկանիշներ ընդգծելու հնարավորությունների շրջանակ է: Այդ շրջանակում առավելագույնը հաղորդելու համար հեղինակն ընտրել է, թվում է վիպակին չկապակցվող, սակայն նրա էությունը շոշափելիորեն բացահայտող, համատեղ, համամիասնաբար ապրելու սկզբունքի կարեւոր գործակիցները՝ մորեխի ապրելակերպը: «Մորեխի ապրելակերպը դառնում է ցուցիչ՝ մաթեմատիկական երգիստենցիայի կամ անհատի հակադիր ծայրաբեկերը,- նշում է Վ. Գրիգորյանը, - դառնում է կենսաձեւի բնորոշում եւ իմաստային այս նրբաթելով հյուսվում հերոս-հեղինակի պատմվածքի թփի, մենքի, միասինի եւ միաձուլի կարգը»:

Ստեղծագործության մեջ Միքելանջելո Անտոնիոնի ֆիլմի ամփոփ նկարագրությունը հայելու պարզորոշ անդրադարձմամբ ցուցադրում է Արեւմուտքի աղտոտությունները: Մարչելուն ու ժամանա գնում են հիվանդանոց տեսակցելու մի ստեղծագործ ընկերոջ, որը շատ տաղանդավոր բանաստեղծ լինելով, մարդու հոգու վեջին օրերն անցկացնում է հիվանդանոցում եւ ոչ իր տանը: Հիվանդանոցի միջանցքում «Եգ վագրի աչքերով» կիսախելակապ մի կին, միանգամայն անկաշկանդ կերպով փնտրում է Մարչելոյի ընկերակցությունը: Մարչելոյի մեջ ապրող հանդարտ տղամարդուց իր անհանգիստ ակնկալիքներն ունի նաեւ տան աղախինը:

Քաղաքակրթության եւ հարստությունների քաղաք Միլանում մի խումբ պատանհիններ պահի թելադրանքով զգվառող են սարքում քաղաքի արվարձաններից մեկում եւ այդ անում են միմյանց հանդեպ այնպիսի ատելություններ, որ «երկաթե վարակայինի միջով էլ կանցներ»: Մի կողմից քաղաքն իր հարկի տակ ամփոփում է «գարմանքի պես, բացականության չափ շատ» հարստություն ունեցողներին, մյուս կողմից այն կարիք ունի ներգրավել հայրենիքից «վայրենիների երկրից ջերմություն ու թրթռ ներմուծելու»: Սա մի քաղաք է, որի համայնապատկերը դյուրությամբ կարելի է համեմատել Ներոնի ժամանակների հետ, այստեղ քաղաքակրթություն կոչվածը զգալիորեն շեղվել է բուն քաղաքակրթությունից եւ հարստությունը ստացել է կործանարար բնույթ: Իրական սերն արդեն հազվագյուտ բան է այս մարդկանց շրջանում, նրանցից յուրաքանչյուրն ապրում է իր միայնության հետ:

Ժամանա աչքի է ընկնում իրականության գիտակցությամբ, այդ իսկ պատճառով նրա կյանքում առաջնային են դառնում իսկական սերը, իսկական հարաբերությունները, ինչը հերոսուհին ակնկալում է ամուսնուց Մարչելոյից «մեծ, անհայտ, սպանիչ մի սեր... իսկ կյանքը՝ ծանծաղի, իսկ տագնապը՝ անընդհատ...»: Սակայն ժամանայի ցանկությունն այդպես էլ կյանքի չի կոչվում. փոխարենն ամուսինները հայտնվում են մի սովորական ջրափոսում, իրենց մարմինների սովորական հայումով:

Եզրափակելով ֆիլմը, Մաթեոսյանը խոսում խորհրդանշանների միջոցով, համապարփակ հաղորդագրությամբ ներկայացնում է մեծ քաղաքում պարպիղը միասնությունը, ավարտվող հարազատությունը, կապերի խզումը: «Յեռվի տնակը կանգնած էր անշարժ, ցողունները կանգնած էին անշարժ, անտառ, կարծես, ծառերի կարծես ծառերի բանակ էր, բայց ծառերը կանգնած էին անջատ, անտառի եզր էլած կաղնին անտառի հետ կապ չունեւ, գանգուր բոխին կանգնած էր անջատ, բոլոր ծառերը



կանգնած էին անջատ առ անջատ, ամեն ինչ կանգնած էր ինքն իր համար, ոչ մեկը ոչ ոքի հետ չունեւ ոչ մի կապվածություն»:

Այս համեստ դրվագը, որը տարբեր գաղափարների խտացում ունի իր մեջ, հստակորեն սահմանազատում է մաթեմատիկական եւ արտաքին աշխարհը միմյանցից, պահպանողական արժեքահանակարգերը խորտակվող բարոյականությունից, Արեւելքը Արեւմուտքից: Այս ֆիլմը օտար աղտոտությունների համապարփակ նկարագրություն է՝ ձեւաված Արեւմուտքի չափանիշներով, ուստի պատահական չէ, որ արժանացել է աշխարհի ամենամեծ մրցույթի, Վենետիկի, Բարսելոնայի, Սան-Պաուլոյի, Մեխիկոյի, Լոս-Անջելեսի, Ալժիրի, Ստոկհոլմի եւ Պրահայի կինոփառատոնների բարձրագույն մրցանակներին: Օրինաչափ է նաեւ, որ նույն ուղով ընթացող աշխարհը չի ընդդիմացել բարոյականության այսպիսի դրսեւորմանը: «Գիշեր» ֆիլմը, փաստորեն, ներկայացրել է կյանքը՝ իր ստեղծման ժամանակի մեջ: «Արդի բազմաթիվ արեւմտյան գիտնականներ,- նկատում է Ռիմա Միրունյանը,- ստիպված են ընդունել, որ արդիականությանը այդպես էլ չի հաջողվել լիակատար եւ վերջնական հաղթանակ տոնել ավանդապաշտության նկատմամբ: Ընդ որում, պատմական զարգացման օրինաչափությունների ու միտումների, ինչպես նաեւ Արեւմուտքում իսկ դիտարկվող հասարակական կեցության ռացիոնալ սկզբունքների արժեքակման շարժընթացի իմաստավորումը թույլ է տալիս պնդել, որ ավանդույթը շատ ավելի կենսունակ է, քան որեւէ ռացիոնալ սկզբունք: Սակայն, պետք է նկատել, որ Արեւմուտքը վաղուց ի վեր կորցրել է վերահսկողությունը ավանդույթի պահպանության նկատմամբ: Մեր խորին համոզմամբ, ավանդույթը կարող է կենսունակ լինել այն ազգերի շրջանում, որտեղ պետական եւ ազգային շահագրգռվածությունն է: Վերադառնալով «Գիշեր» ֆիլմին, նկատենք, որ այն միայնակ չէ իր բովանդակության, իր որակների մեջ, ճիշտ հակառակը՝ ֆիլմը դուրս է եկել այն աշխարհի ծոցից, որի ուշադրության առարկան պետք է դառնար հետազայուն: «Ասել է թե,- նկատում է գրականագետ Վ. Գրիգորյանը,- մարդկությունն իր լավագույն քաղաքակրթ մասով ճանաչում է Անտոնիոնի ֆիլմը, դրանում եղած փիլիսոփայական, բարոյական հարցադրումները, ուստի դրան հակադրվելու ոչ միայն ուժ, անգամ ցանկություն էլ չի դրսեւորի աշխարհի մնացած կեսը, որ հազիվ թե ասելու բան ունենա»:

Պատահական ոչինչ չկա վիպակի հեղինակի այն դիտողության մեջ, որ «Գիշեր» ֆիլմի հերոսները կարող էին հինգական երեխա ունենալ, համաքափոր լինել, կթվոր ու հնձվոր լինել, զետով փայտ առաքող լինել եւ այդ կլինեւ իսկական կյանքը, եւ այդ էր Մաթեոսյանի հարեւանությամբ, նրա շնչի տակ, հայկական հին երգիկների եւ նոր տանիքների հովանուները իսկապես ապրող, անձրեւ ժամանակ կրակի մոտ ոսկրածուծները տաքացնող աշխատավորների, բարոյական աշխարհի բնակիչների կյանքը:  
Պետեւս վիպակի սկզբում Վիկտոր

Մակարովին հետաքրքրում է սենսացիոն նորությունն այն մասին, որ Օնասիսը կնության է առել ժակլին Քենեդիին, իսկ նրա գրուցակիցները խորհրդածում են իրադարձության նպատակի շուրջ: «Օնասիսն անհայտ պետություն էր, - մեկնաբանում է Մակարովը՝ «Ծառերը» վիպակում, - ժակլին Քենեդիի հետ ամուսնությանը հիմա դարձավ հայտնի պետություն»:

Յերոսի դիտարկումը բացեիբաց խոսում է այն մասին, որ այստեղ մարդկային հարաբերությունները կառուցվում են մաթեմատիկական հաշվարկների վրա: Ուստի, հասկանալիորեն, Պողոս Յավրուսյանն իր Արեւելյան, կենդանի, ինքնաբուխ սիրով, չէր կարող ժակլին Քենեդիին նման մի կնոջ, որն իր բնօրրանի արժանի զավակն էր, հետաքրքրել իր սիրով: «...իր խնայողություններն ու աշխատավարձը կբավականացնեն նրա երեխաների ապրուստ-ուսումին, տեսնեն չի բավականացնում ինքը կաշխատի երկու հերթ», եւ այդ բոլորը գրված ազնիվ մղումներով, սիրիական անապատների նավթամուղի աշխատանքների միջից, այն վեհ տեսիլքով, որ «իրենց ընտանիքը հայի բախտավոր ընտանիք կլինի»:

«...Քաղաքակրթ աշխարհը, փաստորեն, «երջանիկ անգիտության» մեջ է, եւ նրան տրվում են աշխարհի հաշվարկելի ձեւերը, երեւույթների արտաքին որակները եւ ոչ կենդանի կյանքն ամբողջությամբ»,- իրավացիորեն նկատում է Վ. Գրիգորյանը: Արիստոտել Օնասիսը, թեւ տակավին երիտասարդ տարիքից մեծ դրամաշրջանառության մեջ էր եղել եւ իր առաջին միլիոնը վաստակել էր դեռեւս 25 տարեկանում, սակայն նրա նյութական անսահմանափակ միջոցների մեջ հետազայուն ապահով կյանք էր վարելու ժակլին Քենեդին: Իհարկե, հնարավոր չէ չնկատել Օնասիսի սեփական եկամուտները սեփական անձի ճանաչման գործին ծառայեցնելու ճկունությունը: «Սա հարաբերությունների նոր աստիճան է, երբ լուծվում են անհատական որակները, եւ անցում է կատարվում «նախարհին կենսաձեւին»:

Վիպակի կենտրոնական հերոս Արմենակ Մնացականյանի կենսափորձը ծանոթ է մարդկային ուրիշ տեսակի: Այդ տեսակը փոքր-ինչ այլ բաներ է արժեւորում եւ դրանք գուցե գեղեցիկ են եւ կարող են որեւէ սցենարի մեջ լինել, ինչպես Մոսկվաբնակ Ռասա Վասիլենան է նկատում, սակայն հասկանալի չեն իրենց ազնվական ակունքների ողջ ընդգրկումությունը: Այստեղ գյուղական սիրող ամուսինը ոչխարի հոտը թողնում է քնած ընկերոջը սիրած կնոջ հետ գիշերը արժեւորելու համար, իսկ հետո փութով վերադառնում է սար՝ աշխատանքի հոգսն ընկերոջ հետ կիսելու պարտականությամբ: Այստեղ սուկորային եւ համապատասխան երեւույթներ են հարաբերությունների ջերմությունը, սերը, ազնվությունը, այս բնույթի ինչ որ կուզես, եւ խորթ է հարաբերությունների կառուցումը հանուն կապիտալի:

«Կենդանին եւ մեռյալը» վիպակն իր ողջ կառուցվածքով հակադրվում է մաթեմատիկական բարոյականությանն ու արժեհամակարգին: «Բախումն այստեղ անհամեմատ սուր է: Այն ծագում է ոչ թե մակերեսային տպավորություններից, այլ որոշակի չափանիշներից, բարոյական ըմբռնումների, անհատական աշխարհայացքի եւ նույնքան օբյեկտիվ իրականությունների անհամապատասխանությունից»,- կարդում ենք Ս. Փանոսյանի մոտ: Վերջին միտքն ամենից առաջ արձանագրում է Գերոգի Կոնստանտինովիչը: «Կապիտալի աշխարհում մարդը մեծակ է, Մակարով»:

Նա կապիտալի ազդեցության հետեւանք է համարում բանակների, ընտանիքների, ազգերի, պետությունների կազմալուծումը, եւ չի սխալվում:

/շարունակելի/  
Ռուզան Վարդանյան



# ԼՈՐԵՏԱ ՄՈՒՐԱԳՅԱՆԻ ԲՆԱՐԱԿԱՆ ՈՒ ԳԵՂԱԳԻՏԱԿԱՆ ԱՇԽԱՐՀ

ՆՈՒՐԻ -Լորետա Լեւոնի Մուրադյանը ծնվել է 1988 թվականին, Գյումրիում, բանաստեղծ Լեւոն Մուրադյանի ընտանիքում: Ավարտել է Գյումրիի Բալատոնե վարժարանը: 2011թ. գերագանցությանը ավարտել է Երեւանի Եվրոպական ակադեմիայի միջազգային հարաբերություններ բաժինը՝ ստանալով բակալավրի աստիճան:

2013 թվականին ավարտել Կառավարման ակադեմիայի հանրային կառավարում բաժինը՝ ստանալով մագիստրոսի աստիճան: 2025 թվականին ավարտել է Վանաձորի Հովհաննես Թումանյանի անվան պետական համալսարանը՝ ստանալով հասարակագիտության ուսուցչի որակավորում: 2014-2022 թվականներին աշխատել է ՀՀ Ազգային ժողովում: 2021-23 թվականներին աշխատել է Վարդենիսի Վիկտոր Համբարձումյանի անվան մանկավարժական ինստիտուտում որպես դասախոս: 2022 թվականից աշխատում է Մեծ Մասրիկի միջնակարգ դպրոցում որպես հասարակագիտության ուսուցչուհի: 2017 թվականին «Արարատ Մկրտումյան» երիտասարդ գրողների ամենամյա հանրապետական մրցանակաբաշխությունում ճանաչվել է լավագույն գրող, ինչի արդյունքում լույս է ընծայվել անդրանիկի «Թաքնագրեր» ժողովածուն: Հանդիսանում է Լեւոն Անանյանի անվան մրցանակաբաշխության մրցանակակիր: 2019 թ. տպագրվել է դրիմահայ գրողների միության «Հայրենիքը սրտում» ավանդակում, 2018 թ. Գագիկ Վարդանյանի «Շիրակ աշխարհ» գրքում: 2019 թ. տպագրվել է «Կրակե ձայների խեցի» ավանդակում: Տպագրվում է «Անդին» գրական ամսագրում, Հայաստանի գրողների միության «Գրական թերթ» պաշտոնաթերթում, Շիրակի Մարզի ԳՄ «Եղեգան փող» պաշտոնաթերթում, Լոռու մարզի ԳՄ «Երկունք» պաշտոնաթերթում, «Գրեթերթ», «Գրանիշ», «Գրական Համայնք» եւ Թեհրանի «Ալիք» թերթերում: Իսկ այսօր արդեն նա դառնում է «Գեղամա աշխարհ» թերթի հյուրը:

Լորետա Մուրադյանի բանաստեղծություններն աչքի են ընկնում իրենց ինքնատիպությամբ, քնարականությամբ, խոհափիլիսոփայությամբ, զուլալ, գեղեցիկ ու հնչեղ հայերենով:

Խոսքով Խլղաթյան



\*\*\*

*Ձարկ է հորդում ու նզովք  
Իմ մենության քնարին,  
Իբլիսի ձեռք են կարգել  
Տարաշխարհիկ հրերն իմ:  
Կրկին վիռուկ են սեւվարս  
Կամ մի զինվոր դավադիր,  
Ծովախորշի ջրահարս,  
Ու ժայռերի սեպագիր:  
Բայց իմ խաղաղ ծյուններում՝  
Ծաղկած փխրուն շնչից մով,  
Աստծու մազերն են սանրում  
Հուլունքագործ աչքերով:  
Դառնում քնքուշ բալենի  
Ու թաց շվաք սիրածոր,  
Որ կախարդեմ, վար բերեմ  
Իմ ամպերին փետրավոր:  
Թող զմրուխտե բույրից լույս  
Կախվեն աստղերն ու մի սիրտ,  
Եվ կաքավը մինջ դառնա  
Վայելքներից այդ վճիտ:  
Նզովքները հենց հալվեն  
Ու բալենուն մերկ ժպտան,  
Թող քնարը սեր երգե  
Իբլիսուհի աղջկան:*

\*\*\*

*Ես Գիժ էի  
ավազներ առաջ,  
ու ապրում էի ազատ.  
արգելաճաղերն ինձ համար  
լոկ թռչունների երամներ էին  
մաս-մաս չվող,  
սերը  
անմահների հովտից  
փչող խնկաթաթախ տրոփն էր,  
աշխարհի բոլոր անիմաստ  
խոսակցություններից ու  
մեկի ժպիտից մաղվող  
հաշիշն  
ու մինջը...  
ավազներ առաջ  
անհույ շոյանքն էր  
լարում օդն*

*ու պայթում խոյակների տակ,  
ու կապույտ, կապույտ  
շունչն էր թռչկոտում  
յասամանների շուրջ...  
ավազներ առաջ  
ես Վայրի էի  
ու ազատ,  
երբ դեռ մի պոետ  
չէր հասցրել եռալուին մարգարեա-  
նալ  
մինչեւ արադաղի կանչը...  
Ավազներ առաջ  
ժամանակը խցանման մեջ ընկավ...  
երբ վերջապես դուրս գա այնտե-  
րից  
ես անպայման կսպասեմ  
երրորդ օրվան  
որպեսզի  
հարություն  
առնեմ...*

\*\*\*

*ԹՈՒՂ տուր ինձ էսօր  
Հայիոյել կարգին,  
Մարդատյաց լինել...  
Եվ ատելավառ  
Հուլգե՛ր շարտել,  
Անառա՛կ լինել...  
Լինել եսապաշտ  
Առանց զղջումի  
Ու կարեկցանքի...  
Ու լինել կարի՛ճ,  
Որ կուտակում է  
Թույներ հանցանքի...  
Թող որ գեթ էսօր  
Կյանքի խնջույքին  
Խեղկատակ լինեմ...  
Իրեն կորցրած,  
Ցավից ոռնացող  
Մի գազան լինեմ..*

\*\*\*

*Ահա ցողաբույր լուսաբացը դուրս  
կգա աղոթքի  
Ու հարսնորեն կասի՝  
եղիցի Արքայություն Քո...  
Եվ հասկերը կհասունանան  
ու կպայթեն ...  
Լեռներում մի Շունչ նրբորեն  
Կհամբուրի շուրթերը սրինգի  
Ու քաղցրացած սիրտը  
Հնչյունների ցուլանքով դուրս կթռչի  
սրինգից...  
Հայացքը կթեւածի  
լազուր ծփանքներիս վրայով  
եւ քնքնշությունից ընդարմացած  
մատներով  
ծուլորեն կշոյես  
արեից պսպղացող ալիքներս,  
որ դեպի քեզ են բերում  
սպասումի քամիները՝  
նախասկզբնական աշխարհներից  
փչող:  
Եվ օդը ժպիտով կվազի սարերն ի  
վեր*

*Ու ամոթխածությունը մոռացած՝  
կիսափսա ուրցերի հետ:  
Մակրնթացություն կլինի,  
Կտեղատրվեն նույնիսկ Լեռները,  
Եվ ոչ ոք չի հասկանա  
Ինչպես Ծովը պոկեց Լեռներն ու  
տարավ իր հետ...  
Անգորությունից կկծկվի դաշտը,  
Որ Չգողական էին կոչում մի ժա-  
մանակ,  
եւ երկիրը կմոռանա իր առանցքի  
մասին...  
Երբ Լեռներում մի շունչ  
Կհամբուրի շուրթերը սրինգի  
Բոլոր բառերը նույն իմաստը կու-  
նենան...  
Եվ տիեզերքը կդառնա մեկ կաթիլ...  
\*\*\**

*Տնցում են տղերքը երկինքը,  
Երկինքը վիպական Ծռերի.  
Այդ ու՛ր են տանում իմ տանիքը,  
Քարավա՛ն շղթայված լեռների...  
Այդ ու՛ր են պտուղներն իմ տանում  
եւ Պոլուն իմ լեզուն Թարթառից,  
Դարձիր գետ, թե տենչում ես հե-  
ռուն,  
Չե՛ն քոչում արմատները ծառից:  
Շանթատը մարտիկներ են զարկել  
Ու ճայթել թեւերիս լեռնակիր,  
Այս հողում Նժդեհներ են մարտել՝  
խոյանքով Վճռական Մենակի:  
Տնցում են տղերքը երկինքը,  
Երկինքը վիպական Ծռերի.  
Չե՛ս պոկի Լեռների տանիքը,  
Լեռները շղթայել չի՛ լինի...  
\*\*\**

*Երբ մառախուղն է գլորվում սարե-  
րից,  
Պետք է շրջվել ու գրկել այն,  
Որովիտեւե քո մենության Բմբուլե  
բարձն է լսել հոգուդ շառաչը:  
Եկել է, որ իր թեւերի մեջ առնի  
Բարակած նյարդդ,  
Որ հանկարծ չպոկվես քամվելուց,  
Եկել է, որ թորի խոնավությունդ  
Ու արտաքին անձրեւով...  
Երբ մառախուղն է գլորվում սարե-  
րից,  
Պետք է լռել նրա հետ.  
Մի՛ վախեցիր, հոգիս,  
որովիտեւե միշտ լինում է այն, ինչ  
լինում է...  
Քեզ մի սիրտ է պետք,  
Որ չուզես քնել ջրափոսում,  
Մի սիրտ՝ լուսաբացվելու  
Ու մի սիրտ՝ ժպտալու համար:  
Երբ մառախուղն է գլորվում սարե-  
րից,  
Պետք է շրջվել ու գրկել այն,  
Որովիտեւե բոլոր անձրեւներից ու  
ցրտից ծաղիկներ են ծնվում մի օր...  
\*\*\**

Լորետա Մուրադյան

## ԳԵՂԱՐԳՈՒՆԻՔԻ ԵՐԵՔ ՀԱՄԱՅՆՔՆԵՐՈՒՄ ԱՎԱՐՏՎԵԼ ԵՆ «ՀՀ ՎԱՐՉԱՊԵՏԻ ԳԱՎԱԹ» ՄԻՐՈՂԱԿԱՆ ԽՃՈՒՂԱՅԻՆ ՀԵԾՄԱՆՎԱՎԱԶՔԻ ՀԱՄԱՅՆՔԱՅԻՆ ՓՈՒԼԻ ՄՐՅՈՒՄՆԵՐԸ

Գեղարքունիքի մարզի երեք համայնքներում ավարտվել են «ՀՀ Վարչապետի գավաթ» սիրողական խճուղային հեծանվավազքի համայնքային փուլի մրցումները:

Սեւան համայնքում մրցաշարի համայնքային փուլի մեկնարկը տրվել է Դրախտիկ բնակավայրից: Մրցաշարն անցկացվել է երկու տարիքային խմբով՝ հանրակրթական ուսումնական հաստատությունների 7-9-րդ դասարանի (1 տղա եւ 1 աղջիկ), 10-12-րդ դասարանի (2 տղա եւ 2 աղջիկ) եւ ֆիզկուլտուրայի 1-ական ուսուցիչ թիմային կազմով: Մասնակիցները հաղթահարել են 25 կմ ճանապարհահատված եւ հասել մինչեւ Ծովագյուղի խաչմերուկ: Հեծանվորդների անվտանգությունն ապահովել են Գեղարքունիքի պարեկները: 7-9-րդ դասարանների մրցապայքարում (1 տղա եւ 1 աղջիկ) 1-ին տեղը զբաղեցրել է Սեւանի Ս. Մաշտոցի անվան Հ.1 հիմնական դպրոցի թիմը: 2-րդ տեղը զբաղեցրել է Սեւանի Հ.4 հիմնական դպրոցի թիմը, 3-րդ տեղը՝ Սեւանի Յա. Չարոյանի անվան Հ. 2 հիմնական դպրոցի թիմը:

10-12-րդ դասարանների մրցապայքարում (2 տղա եւ 2 աղջիկ) թիմային հաշվարկով 1-ին տեղը զբաղեցրել է Լճաշենի Ա. Տեր-Գրիգորյանի անվան միջնակարգ դպրոցի թիմը, 2-րդ տեղը՝ Վարսերի Ռ. Պետրոսյանի անվան

միջնակարգ դպրոցի թիմը, 3-րդ տեղը՝ Ծաղկունքի Հովհ. Թումանյանի անվան բաց դպրոցի թիմը: Ծանրարակ համայնքում մրցաշարը մեկնարկել է Շողակաթ բնակավայրից ու ավարտվել «Արեւիկ» հանգստյան գոտու մոտ: 7-9-րդ դասարանների մրցապայքարում 1-ին տեղը գրավել է Գետիկի միջնակարգ դպրոցի թիմը, 2-րդ տեղը՝ Դրախտիկի միջնակարգ դպրոցի թիմը, 3-րդ տեղը՝ Թթուջրի միջնակարգ դպրոցի թիմը:



10-12-րդ դասարանների մրցապայքարում 1-ին տեղը գրավել է Դրախտիկի միջնակարգ դպրոցի թիմը, 2-րդ տեղը՝ Այգուտի միջնակարգ դպրոցի թիմը, 3-րդ տեղը՝ Դարբասի միջնակարգ դպրոցի թիմը: Մարտունի համայնքում մրցումների մեկնարկը տրվել է Վաղաշեն գյուղի մոտից ու ավարտվել Կարճաղբյուր գյուղի տարածքում, 25 կլիոմետր երկարությամբ: 7-9-րդ դասարանների մրցապայքարում 1-ին տեղը գրավել է Ծակքարի միջնակարգ դպրոցի թիմը, 2-րդ տեղը՝ Վերին Գետաշենի Հ.1 միջնակարգ դպրոցի թիմը, 3-րդ տեղը՝ Վերին Գետաշենի Հ.2 դպրոցի թիմը:

10-12-րդ դասարանների մրցապայքարում 1-ին տեղը գրավել է Վաղաշենի միջնակարգ դպրոցի թիմը, 2-րդ տեղը՝ Ծակքարի միջնակարգ դպրոցի թիմը, 3-րդ տեղը՝ Մարտունու ավագ դպրոցի թիմը: Հաղթող թիմերը պարգևատրվել են ՀՀ ԿԳՄՍ նախարարության հավաստագրերով: 1-3-րդ տեղեր գրաված թիմերը մայիսի 27-ին կմասնակցեն մրցաշարի մարզային փուլին: Վարդենիս եւ Գավառ համայնքներում մրցաշարի համայնքային փուլերը կանցկացվեն համապատասխանաբար մայիսի 12-ին եւ 15-ին:

Գեղամ Չարվադարյան



Լրատվական գործունեություն իրականացնող «Գեղարքունիք» թերթի խմբագրություն» ՓԲԸ: Հասցեն՝ ք. Գավառ, Կենտրոնական հրապարակ 7  
Էլ. հասցե՝ khosrov1@yandex. ru  
Գլխավոր խմբագիր՝ Խոսրով Խլղաթյան  
հեռ. բջջ. 094022692

Վկայական՝ 02 Ա 050560: Գրանցման համարը՝ 25.120.00834:  
Տրված 07.05.2001թ.: Տպաքանակը՝ 1000: Ծավալը՝ 2 մամուլ:  
Թողարկման օրը՝ 11. 05. 2026 թ.:  
Տպագրվում է «Սամարկ» ՄՊԸ տպարանում:  
«Գեղամա աշխարհ» թերթի բոլոր համարներին կարող եք ծանոթանալ  
<https://tert.nla.am> կայքում: